

嶺南羣雅

嶺南羣雅

番禺劉彬華藻林輯

宋湘

字煥襄一字芷灣嘉應人嘉慶己未進士今官編脩著有  
不易居齋集及豐湖漫草續草

正壺山房詩話芷灣前輩既負絕人姿又肆力於古諸爲文章醇而後肆襟抱豪邁故揮毫灑翰皆具倜儻雅奇之概詩沈鬱頓挫直逼少陵豐湖以後諸篇又有大義遺韻要其磊磊落落實從真性情溢涌而出自成爲芷灣之詩未嘗規規於前賢格調也比來柳州詩人若繡子秋田二李石亭秋嵐二葉並稱傑出皆自芷灣倡之

雜詩四首 錄二

汲井下銀瓶起瓶月上手瀉水入銀梧舉梧月亦有納之心與  
腸足可轉八九八九轉無端捫之清且寒誰謂心腸中不能如  
井寬

閱世四十年。忽忽歎無成。人苦不自知。百感戕其生。陶潛猶乞食。杜甫尚依人。吟詩豈在好。得酒還獨傾。公卿聞美人。我何美公卿。

夜雨

連日天氣蒸春光。快花剪樓閣生暮陰。頓失棉衣暖。幽人觀化心。事事不得懶。一更紙窓鳴。二更聲忽斷。三更啟戶出。掌濕不可卷。始知春雨細。一使春風軟。簷響始不聞。樹滴漸可辨。水虫澁新吟。爐煙迴虛轉。不覺倍懷人。殘燈伴孤館。

讀杜工部集四首

此老愁心極。千秋一擅場。不成爲稷卨。終得掩曹楊。

公詩賦料揚雄敵詩

看子建觀流落才招取。遭逢事感傷。安排詩作史。有意果蒼蒼。

獻賦初心在。參謀百計違。艱難留草履。涕淚說戎衣。諫草無人

見朝班有夢歸十年秦蜀路又逐楚雲飛

滿目雖多事扁舟亦可憐逢人皆乞食訪道不成仙兀傲開元  
老崢嶸大歷年落花漫新句風雨暮江前

自許詩堪老原知死更傳山川書劍過歌哭日星懸髮豈風塵  
白心猶道路憐千秋江漢月寂寞亦娟娟

適讀杜少陵寄五弟豐詩見其與四亡弟同名掩卷感

絕

生離猶惻惻死別況茫茫破篋文長闕殘封蠹已僵多年偷墮  
淚有父在高堂不見墳頭草而今又六霜

山齋秋夜四首

樹雨殘畱滴林風遠遞生無霜燈壁冷有字草蟲清頓挫名心

死崢嶸病骨鳴難孤山外月盤盤繞階行

時方脚疾

乍見山河影西窓一抹痕漸多微礙樹又上欲當門孤客荒吟  
思沈痾負酒樽掩關愁索臥半落夢中論

不寢非關冷何悲亦爲秋井欄鳴鬪葉簾角入牽牛書劍憐生  
計江湖感昔游披衣行更坐風露一螢流

纂纂將英菊離離就熟葵葉明團露細香暗若風遲客味閒難  
得秋心靜易知呼童看北斗城柝夜何其

### 健馬篇

健馬可用而不可用老馬不可用而可用君不見健馬一日可  
萬里騰風掣電血微泚失脚已困溝中水健馬不可用而可用  
老馬可用而不可用君不見老馬百戰膽不寒出生入死天地  
寬血肉臭腐皮骨乾馬兮馬兮予心酸

八月十五日得四川官軍掃蕩安樂坪賊匪捷報二首

談兵不到草萊臣聞喜猶能作頌聲三載 聖人勞旰食萬方  
赤子請長纓原知此輩魚游釜頗費將軍竈滅營拉朽摧枯  
好乘勝河清還我舊昇平

上皇萬壽 聖皇朝一片紅旗到九霄自是 天庥應如響誰  
逃 國法安興妖勢成破竹師無敵幕有巢烏將勿驕卽待春  
農歸洗甲便趨 春殿共聞 韶

人皆議少陵絕句爲短予以少陵自不肯爲人之所長  
若夫古今派別焉可誣也杜自云法自儒家有心從  
弱歲疲或輒以別調目之是可異已作二絕句

豈果開元天寶間文章司命付梨園諸公自有旗亭見不愛田  
家老瓦盆

滿眼餘波爲綺麗少陵家法必風騷千秋尚有昌黎老流出崑

卷第二條

聞雁

只道霜應落寧知雁已飛  
寒空千響咽獨夜一燈微  
到我門前水逢人月下機  
莫因無字去須得有書歸

重間

後雁續前雁前鳴催後鳴  
追飛應不遠急響若爲情  
月塞千山迴霜天一夜明  
如何北遊者不解向南征

又聞

每到人聲定長空又雁聲  
一年秋幾夜萬里月孤明  
作客原無賴浮生復爾情  
獨憐來去易偏挾羽毛輕

十月十五日夜雪一首

簷日晚尚明野煙昏已滿  
禁城柝遞深人海聲遙緩  
大噫一

以息寒鄰百相欵昏燈照散裴滯客嬰荒館移几俯熾爐取泉  
注深盃疎櫺瑩新明虛幌薄餘煖倒影浮樓臺流光接町墮呀  
呀驢何鳴淅淅葉微伴檢時正小雪紀日當中澣兆豐期匪愆  
集霰暑叶短以茲陰陽調則喜失沴罕前者真一葉窺天手寸  
管曰朔烏則虧日望免斯斷而皆濃陰護章亥不足算舜心  
自有雲宣時漫多旱穆穆兩聖人盱食不忘遠合信德同  
天况談山壓卵洗兵豈無日挽河卽堪盥紛紛楚蜀隅踈踈麋  
鹿轉此皆太平民輕棄百家鄴文德以遠懷武功亦載續熾渠  
咸維新誕告在用亶春牛郭北眠思婦城南懶諸將夫何人庖  
丁識大窾此夜倘入蔡作碑韓誰袒

曉起對雪三首

錄二

到眼清華也不貧十分冷淡足精神  
羗無明月來涵影略有迴



風去逗春童子乞隣知請火先生擁絮肯干人多情頗愧庭前  
鶴一步移將一步親

身在樓臺縹緲間清光如此不塵寰縱嫌衣薄應須耐便壓簷  
低那許刪畫裏孤舟人釣水夢中一樹我游山安排驢子橋頭  
去消受先生此日閒

湖居十首 錄七

水劃東城斷城根水拍門路纔分一艇人已住西邨僻舍聯樵  
牧餘鵝護犬豚讀書更垂釣沙鳥此乾坤

藤菜家家足山茶戶戶儲門生時致酒隣父或投魚詩半聞鐘

後行多過雨初江湖真滿地風月自吾廬

蘇詩豐湖有藤菜似可敵蓴羹

竹外月光來湖天洗更開六橋千點樹獨夜一層臺海隔人間  
世身留掌上恬不知蘇玉局可似我徘徊

日日蘇堤上游人語不休兩橋成故事一帶有千秋身後名何補生前酒幾酬可憐人月意感慨亦登樓

蘇詩可憐人與月夜夜江樓下

欲問羅浮月梅花只掩關迢迢佛跡水莽莽象頭山採藥先春種投丹幾夜還頗愁多病骨無分逐仙班

屋後新亭子能來醉幾回江流斜日去月照大蘇來太守先能賦諸生亦半才都須留幾字鐫上綠莓苔

家好年常住詩須日一篇盤盤青草地曲曲白鷗天便擬求湖疏多留賣賦錢買山兼買水二頃稻花田

### 白鶴峯謁東坡先生故居四首

晨起支尺筇來上白鶴頂崇階可百級道高心已領入門拜堂前遺像肅高閭焉知神似不指月得其影平生未見心已見不敢請下堂復升堂徘徊見遺井

日德有鄰堂日思無邪齋鬱鬱八大字千年還復佳豈非有精  
靈海天驅風霾太守好事者摹勒重安排此功亦不小後世有

吾儕

伊墨卿太守新摹公書八字入石嵌壁間

長江在北戶青山滿牆頭青山自萬古長江亦千秋先生不到  
此荒荒空一邱當時事已過何必重怨尤請看題詩處江天如  
許悠

少小愛古人文章杜與李餘子自卓卓先生三而已李杜不南  
游私公如桑梓翟生亦何緣林婆良獨喜劉安爲神仙雞犬無  
生死舊時合江樓今日西湖裏愧喫惠州飯我生亦丙子

### 浴風閣秋夜二首

竹樹連城暗人家列嶼明湖山深海氣樓閣豁江聲得水白能  
靜況秋無限清君看蓬島月又與小簷平

白白鷗依渚蒼蒼鶴點煙堤深籠樹直山遠貼天圓客枕滄江  
外秋心白露前漁樵回記日風雨欲經年

秋晚准提閣二首

湖到山前大天從海外微城眠江暗轉邨出樹明圍半閣新楓  
葉三秋老客衣頻來無一事捫蝨送斜暉

葉帶疎鐘下人先一鳥高眼前身是粟天際鶴無條兩塔捧雲  
定一燈蹲佛牢風旛無限理江月自江濤

小圃雜詠五首

豆蔓

湖風吹欄杆野意生戶牖種豆十日前蔓豆十日後湖泥富精  
華湖雨足深厚而我兩得之豆力亦大受一日蔓一尺十日殆  
可藪農興課僮僕插竹援之走有葉當有花作莢大如拇寓目

氣已清佐殽理亦有因念蘇子瞻羔豚比菰韭更念杜少陵菜  
把量好醜書生例說食瑣瑣每在口先生意云何豆熟謀一斗

### 芭蕉

門生致十株鄰僧十株餘一日收衆緣真愜野人居野人不善  
書求者如求珠虛名累腕脫繭紙堆座隅豈有閒筆墨及爾生  
與枯芭蕉坐無用焉知吾用殊湖荷已折盡階桐况未蘇秋夜  
正多雨客散燈火孤誰能酬寂寞獨有瓶笙俱

### 盆蘭

簡生隱花田訪我入城市贈蘭如贈心以素不以紫此意長佩  
之遠攜三百里前日訪鄧生置酒向芳沚歸亦餉二盆盆古花  
復美庭中有二妙二妙對一士一士却自咀客何爲者矣指爪  
長如牙眠坐衆香裏不撮一寸土不抱一甕水夜深好風來慙

愧記一紙

盆菊

人菊高如芹吾菊始若薺露氣增夕涼秋風日深遙屈指數重  
九年光信無幾僮僕背我言花開瓶罄矣作事落人後平生類  
如此我愧聞此箴沈吟重沈吟冀菊復澆菊徘徊修竹陰汲井  
井水深淘湖湖泥沈時命共遲暮菊當知此心

竹不生

小詩乞籠竹我亦杜少陵伏雨不助我秋風大掀騰種竹當削  
尾削尾絕其櫻將使性正定乃得氣上升此語夙所聞此解吾  
亦能謬希一戰伯坐失周磨登以我志氣躁成彼性命輕葉葉  
槁如草枝枝委爲藤題詩已無處尚挈中宵燈破甑顧何益墜  
劍心自縈月下荇藻影夢中鸞鳳聲鄰家倘終惠後悔予其懲

寄陳榕溪師三首

只有胸填血都無淚滿巾  
艱難恩盡負天地我何人  
負米悲前世傳衣感此身  
蒼茫頻北望一老尙風塵

國士成何用平生分許深  
行藏萬里眼聚散百年心  
患難空搔首憂傷獨倚吟  
纔知眞畫餅吾道不黃金

說有言歸日何翻久客爲  
十年官洗水八口命懸絲  
失路天難問移山帝豈知  
夜深香一瓣風雨又淒其

白鶴峯東坡先生故居後六首

錄四

文字眞何罪君王况未疏  
偏人吟過嶺許我和移居  
田舍懸陽羨樽罍迫歲除  
所欣方太守詩走向蝸廬

磨蝸難逃命臣心本致君  
青山今日屋白鶴古時雲  
爲想羅浮興翻思醉睡欣  
昔人皆已死來者阿誰聞

難弟循州住佳兒白水遊天涯忠孝伴樓外月人畱父老懸青  
史林婆識白頭獨憐新井溢明日已瓊州

一例南飛鶴風流寧遠軍休將赤壁賦來薄上樑文盤好供丹  
荔祠兼喚夢雲秀才應解事燈火念宵分

人日同墨卿太守陰青原居士

東林

自准提閣至永福

### 寺

東風燒到木棉枝半欲青山叫畫眉念我不來春六日有人先  
踏草多時僧僧茗供新年餅寺寺苔侵舊客詩一歲勝游重紀  
起青鞋布襪老家貲

### 木棉花二首

丹魂拍拍氣熊熊倔強虬龍燭燒空人到海頭纔眼孔花真漢  
後得英雄越王臺上春初日廣利祠前夜半風萬道虹光掣南



斗爲誰名壓荔枝紅

歷落嶠崎可笑身赤騰騰氣獨精神祝融以德火其木雷電成章天始春要對此花須壯士卽談芳緒亦佳人不然閒向江干老未肯沿街賣一緡

桃花

宜笑自成憐如言轉不妍無人有人處一水一橋前暮雨條條暗春風面面圓滿山何處俗莫倚海棠眠

水仙花

聲在七條絃聲停一黯然欲續陳王賦風波不可傳賸有燈前影尋思鏡裏煙含情託芳芷沅渚問年年

柳生

誰插柳插柳易生亦易折世上何人不離別誰插柳插柳易折

亦易生春風春水多春情情何處柳邊去鶯鶯歌燕燕語才子  
題詩贈飛絮飛絮化作萍春來柳又青愁煩歡喜亦何有柳不  
累人人累柳

望雨四首呈墨卿太守

楚蜀連年賊春農未荷戈 朝廷此 仁聖風雨合甘和奏凱  
師將入扶犁候可訖如何村郭外不見擁青裝

帝德原同憫天心況至仁纔經燕大水可又粵無春秧馬家家  
急畊牛夜夜巡海頭蛟蜃地莫易見荒民

使不關人事何能責上穹太平無坐得凡百有憂同但是關民  
計都能誘帝衷最防姦吏手文報總和豐

未耜銷兵氣桑麻愛此身由來愚百姓全仗飽爲人寬猛俱調  
變陰晴有鬼神遙知賢太守先我幾霑巾

惠州感事四首

人事真難料潢池輒弄兵依然同日月直不受生成此輩吾何愛蒼生骨欲鳴殺人今似草師出那無名

籌筆非吾事維桑獨此心山川頻聚米狐兔竟逃林漸轉青天粟仍搜赤地金可憐聞野哭一月不銷沈

漫說神仙界羅浮一萬家焚巢吹劫火打草出長蛇窟穴通閭廣梯航視輔車莫憑山壓卵小小覲含沙

處處聞吹角家家此斷魂水巢紛織筏山寨揜成邨說客心何有書生事可論勒銘定何日灑涕向黃昏

清溪舟中

翠竹來醒目清溪此寫心月沙寒自靜石水淺能吟永夜聽舟語初歸喜土音誰知惠州客破涕始從今

韓江舟中

海色荒荒合江流淦淦陰到州潮勢濶入夜斗光深間水思蛟  
鱷懷人感古今當時韓刺史植橡幾成林

韓江樓題壁

十丈扶雲石三盤俯水樓時常千樹雨日夜一江流有客來吹  
笛看山不轉頭獨憐僧茗意畱嘯海天秋

讀史三首 錄一

廣不封侯數已奇對刀筆吏實驚疑鴈門故老還垂淚能說南  
山射虎時

湖上感懷四首寄伊墨卿先生

都知湖水不曾腥亂後還畱夕照亭三語竟成賢守識一官難  
共舊山青琴聲古屋春調鶴燈火諸生夜講經父老百年纔拭

目那堪重讀峴山銘

先生于書院後山亭子題曰夕曛時已慮其爲譏越月果落職而博羅有事

落葉淒淒滿院廊豆棚頽倒雨聲荒及門不去秋星曙舊幕重  
棲春燕忙說鬼東坡胸有淚吹竿南郭益無糧畱題到處殘風  
月祇是當時興最狂

讀書堂角一梅花昨夜今朝也自斜無處寄人春點點何人伴  
我路又又鄉愁歲暮真多感白骨黃塵况萬家誰信羅浮枝上  
月曾經連月照悲笳

傷離傷亂總含情破榻殘燈夢幾成此後定誰新刺史路人猶  
識舊先生惠州飯飽兒童長湖水春深草木明最是雪痕難掃  
地鷓鴣不住六橋聲

湖上五別詩

并序

兩年湖上種樹栽花若閒若忙雅有真趣山水風月

非一人之私我偶得之我偶私之云爾於其別日各紀以詩

別湖花

種花見花開花開客言別眷此灌漑勞念彼歲時濶春華信爲榮秋實理當結好善護本根持以詒來哲

別湖山

湖山閱多人賢愚俱不言山花百相媚衆妙真一門念我山中人每倒花下樽慙媿山鷓鴣當別猶殷勤

別湖水

我出具一艇我入奉一瓢我衣無宿垢我硯有良苗猗嗟湖之水於我乎逍遙懷哉清漣漪臣心以久要

別湖風

故人別我別故人去今夕湖水上明日知何處欲將舊釣  
絲結在湖心樹湖樹吹且長釣絲理如故

別湖月

湖月出湖東落亦湖西邊知我在湖上只照湖水間寂寞夜復  
夜寸心時往還安得結湖屋人月無關山

嶺南羣雅

番禺劉彬華藻林輯

徐旭曾

字曉初和平人嘉慶壬戌進士官戶部主事著有梅花閣吟

玉壺山房詩話曉初詩學受自其尊人可亭先生風韻蕭疎尤工五言短什句如虹懸秋砌斷雲門亂山多野水浮孤棹春潭浴亂星懸崖雲過馬斷湖雪扶藹流泉爭赴壑野碓驟聞雷天遠雲歸疾沙寒馬去遲皆清警可誦

和平舟行雜興

山城如斗大負郭繞寒流欲向羅浮去城門下放舟  
兩岸鷓鴣鳴春江徹底清蒲帆纔半口已過尉佗城

書齋

枯樹移凍禽虛簷落殘果物情愜靜契孤懷此危坐下帷緬哲



士衮影自觀我冉冉幽香來窓月梅花安

郊行

取次春光染柳條半隄斜日雪初消梅花歷亂江邨路放到溪  
南第幾橋

淨慈寺

南高峰接北高峰華表空留羽客蹤惟有淨慈烟外寺送人歸  
路數聲鐘

歸雲洞

石罅自生雲雲歸更何處好在看雲人無心任來去

宿山家

石泉激清響泠泠聞玉琴獨宿荒山中松月照我衾起視夜何其  
天高星斗沉歲華去飄忽似馬驅駸駸懷人在空谷何以寫

遠心山鳥亦驚起如助幽人吟悄焉誰與語萬籟同蕭森

東渭川

爛然花與思俱新老筆縱橫格愈醇大海波瀾富篇什長官風  
雅有斯人中原死友尋遺草鄴下殘碑盡出塵銅雀臺煙嵩嶽  
雨題名何處駐雕輪

家園八詠 錄二

梅花閣

宿鷺起寒塘山雲過簾箔蒼苔人迹稀時有梅花落

紫雲山

山翠長如滴山雲不厭看遙知惠連輩相對說長安

俸米

會計無能鬢欲疎又 頌春俸代耕畬素餐此日慚公餽索米

他年借蹇驢  
淮海波恬燭  
賑後漕河舟  
穩輓輪餘微  
臣也共侏儒  
飽閒課園丁  
剪晚蔬

東宋芷灣太史

貫聽濕薪爆竹聲  
書愈瘦勁詩愈清  
尋花遠踏古寺徧  
沽酒獨對西山傾  
麤官曉隨銅漏入  
散衙晚逐車輪轟  
學仙學佛意惘悵  
拖泥帶水思紛縈  
昨宵夢繞葛仙洞  
與子坐論山元卿  
放君出頭君方笑  
懸崖撒手子豈驚  
皆夢境  
賦語可憐肝膽向  
誰是同被鉛槧耗  
此生對搔短髮冉  
冉白羅浮歸約餐  
黃精

合藥

却病良亦難  
延齡非不欲  
頗疑百草根  
何者莫子毒  
况無照膽鏡  
五臟胡由燭  
幸謝扁鵲輩  
毋煩採杞菊

嶺南羣雅

番禺劉彬華藻林輯

謝蘭生

字佩士一字澧浦南海人嘉慶壬戌進士改庶吉士著有  
常惺惺齋詩集

玉壺山房詩話體補爲芸隱先生仲子學有淵源少負文  
名兼工書法既入詞館假歸流連山水揮毫灑翰風致清  
豪近又與其弟退谷並以繪事稱能翩翩自喜其詩宗法  
大蘇又出入於杜韓兩家而得其神骨邇來嶺表詩壇固  
應推爲祭酒

入中宿峽二首 錄一

遠影漾晴江脩眉矗一雙  
壁門天劃界雲碓石飛淙  
深碧入山徑架空臨水牕  
花宮不得上虛聽暮鐘撞

出峽

峽勢趨江口，渾如巨浪平。半邊雲岫擁，一角夕陽明。斷岸漁罾起，荒洲蟹舍并。蜿蜒氣蟠鬱，遙接萬人城。

彈子磯

雲鵬欲出海，一展垂天翅。從空墮大羽，側立何猛鷲。儘力捍奔流，如奮巨靈臂。照影然犀潭，紛然五色備。維南實朱方，鳥章樹文幟。不爾天際翔，九垓去遊戲。蚪柯倚壁橫，鸛雀亦巢隼。補罅漏瀾嶮，絕滴蒼翠謬。云羅平妖彈，射一丸墜下。策以火攻彼石干，奚事日出宿霧除。帆舉風勢利，孤翎決將起。鼓怒乘噫氣，回首視萬山，誰能仰而企。

度庾嶺

雄藩臨楚甸，絕塞本秦關。地古人留姓，衢通國不蠻。頽肩于役苦，掛角老僧閒。百匝幽篁裏，茅亭憩一間。

半嶺分寒燠千夫異語言人將山互市天假石爲門細路雲頭轉危梯日脚翻暮寒風出竇聲挾萬松喧

南戒鴻濛剖西江戶牖開遠峯皆貼地羣嶺合尊臺事異通牛詐碑傳旅鴈回臯鄉何處是重覓一枝梅

夜過釣臺

遙指山罾是釣臺野煙和霧黯難開推窓灑面清風過照眼一星浮水來終古巢由謝簪組當時馮鄧闢蒿萊龍潛事異鷹揚事莫向能熊夢裏猜

將出都門留別初頤園先生

大儒守環堵一意能遺榮大臣立朝堂一念不近名或言學圓融溫潤良玉瑩或言厲節操鷺悍衆鳥驚豈知通與介徐邈兩弗營先生起東萊高文冠羣英韜光不自炫與物何曉崢捷徑

迥不由與世何將迎末學氣虛僑按抑難使平歸師紀涓子庶得安我生

文章豈無權心力視所到六經逮諸史奮猛追闔奧能成一家言終身食其報屈伸良有時何愁打退穩臨岐荷耳提曲意加引導敢不承師模專心戒險躁歸舟指潞河通川轉糧漕千倉永不涸此境難徑造惟當效山農日日備旱澇秋收謹垣墉亦免鼠雀耗

滄州朗吟樓

飛樓縹緲臨清波綠雲不動高巖峩江亭左右互回抱映徹白日驚蛟鼉樓頭端正玉像設樓外恍髣雲耕過朱書青紙孰傳送黃庭丹篆間吟哦一聲飛出海水立聯翩咳唾珠玉多魚龍出舞鸞鶴嘯日月眩轉風雲和何人下界譜音節字句暗記無

差訛此邦舊治滄海濶桑田一變茂黍禾初聞洪濤激鞞鞞  
眞下戲屢舞僂毗連黃帝洞庭野鈞天雅奏賡載歌霎時飛過  
曲未闌三回醉起顏猶酡誰云黃鶴假羽翼劣比駿馬注澗坡  
我行十日阻水驛一念時或逾新羅邯鄲道上却鞍馬恨乏好  
夢遊南柯仙觀凌空傍槐影天書大刻留庭阿小儒綺語曷  
敢道至論歷劫永不磨刺船去市東老釀猛借酒力驅詩魔

牖中十首

渚水爲巨防其勢利用牖鄭國手鑿涇史起亦灌鄴宣閉有常  
期率本稻人法今茲會通河北流地勢壓粳稻挽東南寸釐類  
上峽雨足活活流駛利過荅霽如其嗟旱嘆架板高截業一夫  
當關門千夫口呀呷防川甚防民編排嚴令甲大船未放行小  
船心胆怯請看前舳艫何殊陣壘壓



順風不張帆路紆帆不飽溯流牽百丈乃用車盤絞衆呼邪許  
聲助我悉壯佼顧後愁狼胡突前輪鬼狡昨者絆糧艘彼纜忽  
中撓市袴倍其償猶不免煎炒舟人盡跼縮如避猛虎齧舍車  
圖安恬轉受徒旅攪勞逸俱付天何容施智巧

終宵雨鳴渠濁流滙諸派沸怒爭一門數板逼險隘欣然起振  
柁汨汨喜長邁及其赴閘口淤淺仍不快前船勢鳴騶我船嗟  
鷁退上流謹關防下流不嚴戒潰決歸尾閭一氣走澎湃坐視  
覆坳堂聊可容一芥

閘名二十四諸寶中訝鎗萑葦密如織魚鮪多於鱗鱖者有蝦  
鱖細寧數羸蚶數錢買一尾厥價良匪貪以彼單汕勞易我茶  
米甘水族何蕃滋陂堰能渟涵長養鯢鰠命鮮受刀几散人稀  
物自夥曷患饑者婪遐思上古民飲茹樂且湛

自過臨清關市集喧闐關東阿古井水鍊膠如鍊丹延陵墓上  
草采服能訂頑梁濬斷碑石亦已刀箭瘢炎風吹濕潦欲墮貼  
貼鳶銀刀切瓜果聊解吾渴煩

汶水從東來兩龍走南北天井隆然高勢若建瓴甌到頭終入  
海其始乃中泚當時宋大本高議集羣策匪惟審泉源實已據  
地脊憑高揣脈絡兩流分順逆其餘九十泉一一肌理擘蜀山  
離堆鑿汚道褒斜關均能事灌浸亦得省漂溺不讀河渠書疇  
能供水職

徂徠有高逸賀李名酒狂昨經古任城未遑酌一觴今朝入徐  
沛風起雲飛揚泗亭亦何有古渡空茫茫兩鎮皆雄繁百貨殊  
豐穰地氣日以南奢麗同吳閬心隨北來鴻鼓翅趨衡陽

斷港連柳湖清波浸雲霞殘虹收雨脚斜日射天罅一畦一煙

村一水一草壩鴨埠蛙亂鳴漁舫客容借白板時半開紅頰見  
來乍浩歌下中流盡日不遑舍

黃淮雨濫汗水漲三日霖奔騰趨三門清閘中寄登及闕盡登  
岸以索繫石礎把柁均準直妙喻如穿鍼欲前退者進將下浮  
乃沉人言天妃險未逮清江深一日涉重阻船力恐不任所賴  
賢長年寸步持小心高高禹王臺明德冠古今下有陳潘祠華  
棟明河陰靳齊稽高氏廟享同居歆四公翊 仁廟負薪輸蘆  
枕宜房慶清寧鉅野無溢潘東南一保障石槌猶可尋豈惟利  
舟楫永使來者欽

行行下板牖廢牖如廢營身經滄海來絕潢真一泓回首入牖  
初一牖兩日程候其卸板楯前瞻高閤闕天下多坦途我何墮  
塹阮從空雷雨作平地溝澮盈牖門盡豁聞所向無堅城震撼

獲寧澹稍適吾性情濡遲乃特達母乃吾功名一笑下淮陽榜  
人又鳴鉦

遊惠山

青山瞥而來每苦搖櫓疾暫時洗塵眼無料充詩筆九龍落吾  
手作意停半日清溪試沿洄朱檻見髣髴花宮臨上頭未到意  
已悉天光漾空明雨點半蕭瑟滑登披煙蘿靜境造瑤室泉香  
泛一甌淺汲幸已繙登高望蜿蜒到尾脊猶屈蓄雲註潛竇未  
放大波出似欲鬥中冷力戰爭第一仰懷唐處士舊會良足述  
紀時亦仲秋幽意謝丹綬髣髴蘇興不淺參寥語尤逸韻隨笙鶴  
飄人悵風雨失或云寄暢園結構稱疎密扣扉老嫗鷹入幽半  
途室陂陀蹲羣獮叢薄唳孤鶻綠草爲糴稊文窓落屈戌池荒  
白練氣石裂蒼玉質亦知真舐媚原不事冠櫛所惜朱橋傾高

興阻水畢誰呼張南垣老手重剪拂

輓陳雲門同年四首 錄一

同門作詩人獨有吾與汝可憐百十篇一付楚人炬後來自懊

悔向予乞殘楮

余舊藏君唱和詩簡數十篇

我篋飽蟬魚十字不存五春花

開更落變滅隨風雨從來慧業人大半懺綺語皈依在空門何  
心問藏弄入耳杜鵑聲七字血濡縷此調不忍彈一彈一酸楚

君有清明句云半枕淚乾蝴蝶夢十年腸斷杜鵑聲

樵舍

臨江漁戶樵舍名蕭蕭葦岸漁舟橫昔年逆濠敗於此漁人喚  
渡來相迎烏江失勢陷大澤破楚勇略推韓彭豈知書生諳軍  
旅陽明老子富甲兵江山險要在指掌布算劃若螺紋清初聞  
犯順發露布疾從吉贛趨豐城賊巢一搗賊膽落賊艦不敢窺

南京隱留此境作逋蕘張我天綱與地紘風馳霆擊出不意遂  
剗突豕牽長鯨公言外賊平匪易心之內賊尤難平又言小兒  
不識虎驅虎如牛莫敢撓一生養氣屹不動乃得措置如夙成  
不然獻俘且待罪安保宴坐留餘生內監飛文肆羅織北軍索  
餉交喧爭成功不易居功苦皇天有意哀忠誠九華山下避謠  
詠恬然養道百不營紀功碑成謗歛息碩膚之績比東征

夜渡鄱陽湖

旗尾一擲馳風輪開頭浩浩天無垠當中挂席東北向直前問  
道雲漢津瘦蛟雙鬥雹迸亂餓鴟狂叫雷殷鱗大孤小孤眇何  
許彭郎康郎避逡巡眼花眩轉風掠耳咫尺不辨晝與昏須臾  
金鯨一掉尾紫水變黑愁齟淪天光水色久摩盪一珠捧出定  
我魂水夷擊鼓競出舞江斐斜睇仍含嚬廬峯側面立積鐵石

梁倒影鏐作銀中宵一放幾百里其上定有分風人昔乘大舸  
泛蠓鏡時逢皓魄臨海門茫茫夷島現窮接隱隱仙樂來軒轅  
神山一會久絕響水調重按高人雲龍堂貝闕豈知夜圓靈水  
鏡恒留春空中五老亦招手與我前後迎送頻吾帆餘勇尙可  
賈一氣追及騎鶴賓

石鐘山

大山壓東流萬峯攢一箇崩騰塞其衝不許陽侯過神工費爐  
鞴鎔液未補破有罅嵌玲瓏錯若經剗剗餘流折而西入坎蟻  
旋磨鼓怒爭喧脰節節受抑挫鏘然天樂鳴何止鐘磬和持斧  
扣硿硿蠡測理則那往讀髯蘇文豁然披壘堞便欲乘長風一  
上大石坐川長路漸暝湍急船苦大觀望不得前勇銳倏變愼  
方知受束縛大半緣輻軻宵深寒雨來欲臥未肯臥火急諸遺

聲聊以警我情

與同舟諸子登天門山

下士守環堵誰曾升天與天語夢中作遊仙意揣不離們籥瞽  
襦筇直上凌蒼蒼倏忽舉袖排雲間憑高一覽心眼豁安恤斷  
渡山風狂客言行路難莫如上峽兼上灘又言長江險莫如江  
面東厓隙往年此地避風濤上灘上峽無此勞誰能剗去兩石  
壁利我舟楫無驚號吾聞江水出岷山一往到海不復還若非  
層層門戶作闕鎖險過夔巫三峽間君不見金焦角立牛首雙  
停虎牙屹率荆門竦未放此水歸東溟又不見黃河亦是天上  
水直者千里曲百里龍門砥柱浪花堆處處矗起平地雷但使  
水氣升雲雨天下豈惜崎嶇九折爭喧逐

夜過黃茅峽宿峽口不寐



千篙挂灘行十挂不失一人頑詎如石悍鬥乃竟日船迴沙嘴  
平水轉峽角出黑暗支祁潭深阻老蛟窟餘力且枝撐觸險肆  
奔突熊能望赤虬謂野燒遠映路未失誰敢然溫犀照耀到水骨  
荒洲暫停橈風大水滴沕蹲夷擁孤裘寒減心更慄嗟哉操舟  
人爾勞我弗逸爾勞暫安眠我勞何時畢

除夜上白茅龍

懸舟如懸車昏黑人重阻與臍偕出入船底欲掀舞千鈞倘失  
勢勁箭脫強弩猱跟遜捷疾石角不齟齬歡呼就安恬下流闊  
如鼓誰云不知春驚雷在沙渚

朱仙鎮岳忠武王廟

燕雲唾手爭呼吸迴戈中路何及背嵬五百死向前金牌十  
二催轉急兩宮不念况赤子長城一隙逮諸邑河聲洶洶怒如

雷併作千人萬人泣客行曉過蕩陰里殘星三五猶閃爍已悲  
緒紹血濺衣當時播越無收拾惠雖愚下猶識忠高乃中興忍  
束濕前途一廟臨廣衢相傍壽亭侯廟立兩公大義炳春秋軍  
麾所指羣靈集漢家繪塑極莊嚴宋代垣墻少完葺柏柏不屈  
蟠金虬虎貔擁衛持瓊鉞衝冠裂眦欲搏戰毋乃寂夜精靈入  
門前長跪三鐵人牝雞鵬兒并宰執千鎚不波萬鎚破鎚破從  
新鑄鐵汁皆云此禍冤更冤忍見蒼苔濕還濕吁嗟六陵殘毀  
已多年宅圯井荒餅斷汲路人還此望旌旗北風雨雪長鳴咽

過黃河後避風仍用東江阻風韻

兩輪陷淖掀將起飛沙一刮風刃駛黃雲萬丈高出地四鄰將  
伯呼不至雙睛竟曠體毛蜩僕牽我手奮力繼馬壓重轅龜鼎  
肩不爾滾滾銅丸墜今晨一鼓初作氣中流返棹如湯沸升車

再作旋潭戲掘堦揚塵胡不已沿河路向昏霾試王良曷敢誇  
能事

望岱

齊州崛起東大陵崇卑有秩相輔承客程五日車輞輟坡陀越  
過巉岨礧褰衣推馬奮力乘不知離地幾萬層盤盤絕頂雲氣  
蒸天門詆蕩橫觚稜蒼精結就非游騰翠翼怒展搏大鵬直歷  
太華高衡恒奄有青齊魯邾滕徂徠鳧繹猶紀鄒梁父社首眞  
倅丞剛方嚴毅神所憑柴而望秩妙合凝史稱有虞祀肇興肸  
蠁因此名山升其餘封禪均無徵碑旣沒字書緘縑胡然唐宋  
踵相仍磨崖藏礧求福初大哉土壤高可增美哉雲雨時上騰  
祠官薦馨神咨膺靈祇兆瑞年豐登盛時報侑惟蠲烝豈假  
符命驚愚瞽嚴嚴在望心戒兢了了白晝天宇澈安期羨門若

可朋攜糧負薪吾亦能眼底突兀曾峻嶒安得健翮如蒼鷹

### 冷泉亭

天外孤峯飛著地空中諸賢不曾關激將靈液爲鳴玉流到紅  
亭未出山倚檻堅陪諸佛坐斷雲時帶一僧還元津幽樾何須  
問八德真源在此間

### 龍井

絳陰作障花滿叢一泓流水聲淙淙山僧煮茶持飲我不待啜  
罷生清風此山萬竅皆玲瓏含雲貯水隨奔龍動搖筋脈土石  
破一眼噴出泉一鍾何人鑿石接龍口爪牙完具雕鐫工涓涓  
一滴滲文甃疏井枝與湮井同君不見飛來峯口隘石扇洞中  
四闢如房櫳吳山眾壑亦徭徠一綫石罅雲氣通但能飲水識  
真味山山都與泉源逢我來滿啜兼洗眼更探前頭天目峯

龍井吸茶後登寺樓

仙人好樓居仙山定何如  
栽栽五雲樓半枕山之隅  
其下何所有脩篁萬竿松  
百株其外何所見三面青山  
一面湖龍泓滴滴冷泉冷  
鶴聲一一孤山孤初疑八月  
濤浮來此方壺又疑許遠  
遊前此來結廬僧言兩度  
翠華臨中設寶座陳詩書  
九天揮動白玉瑄萬象收入  
摩尼珠金門羽客備灑掃  
盧敖若士爭來趨丹梯一上  
十二級不知神山以外有此  
無小臣亦忝香案吏一介本  
是山澤癯今年一夢之帝所  
丹鳳樓前拜舞餘承恩赴宴  
登瀛海半日談經坐石渠摩  
挲雙目心炯炯追尋昨夢魂  
蘧蘧茶香有味沁肌骨松濤  
捲起酣笙竽船風吹到輒引  
却下山長詠歸來乎

偶成

壬戌十二月十五夜

撇手緣雲上太清  
雲然拂袂下層城  
空中樓閣仙山色  
耳後風濤海水聲  
古簡未窺周內史  
青衫仍繫魯諸生  
金丹有訣重開竈  
九轉何時鍊得成

洞天福地此乾坤  
欲往從之孰得門  
藥肆幾回求橘井  
釣磯隨處問桃源  
直追懷葛寧無侶  
難得朱陳共一村  
各位水軒容假寐  
暫時清夢息塵喧

### 梅花

東皇愛爾孤高韻  
不許凡花浪得從  
出世相君原是鐵  
藏身老子果猶龍  
淋漓畫障生殘月  
靜默詩心荅古松  
苦恨南中無艷雪  
倩誰相對鬥清容

濃雪何因聚樹頭  
層層竹院暗香浮  
橫空照向一泓水  
託意高於百尺樓  
詩老篋中珠貫串  
山人屋角玉雕鏤  
羅浮等此江天

月徹夜瓊臺爛不收

十八日往石塘東園賞荔疊韻再賦七首

錄二

珊瑚短短浸瑤濱幻作龍堂五月春  
赤水探來都是寶靈蛇握者定何人  
豪吞金谷三升酒醉寫東坡百億身  
日午蟬鳴詩半就又驚飛雨洗遊塵

搖漾清波柳港濱論園接果閩冬春  
沿堤龍戶耕雲客鼓棹驚潭競渡人  
百鍊成丹方結果一生無譽且安身

本曲江荔枝賦

飽餐更

飲梅花蠶縱不神仙也絕塵

輓馮魚山前輩

閩苑仙人風倒吹重遊五岳去如馳  
曹司暫引星辰上廬墓長街石闕悲  
海有夜珠歸大集天留一席作經師  
含哀忍踏龍門路萎絕虬松未老枝

成方山爲嶺南草木圖十得八九矣題長句其上欲使

補所未備也

一嶺橫絕如長堤北枝亢爽南枝低同根便已殊町畦百昌出  
土那得齊下循茅嶺沿曹溪二禺仙管吹清淒林迴石轉百鳥  
啼其下千里爲塗泥赤日可耕雲可犁燒天大木凌虹霓延年  
小草稠蒿藜食單藥籠厭取攜仙名佛號爭品題波羅貝多來  
自西雜植訶梨勒菩提亦有手執九節莠青精飯熟升天梯妙  
香法供自遠齋旃檀婆律饒諸黎不數玉蕊兼金齋而况凡卉  
糠與粃小儒株守不出閨目所未覩云無稽豈知仙佛俱南棲  
衆香國裏斐以縷踏慣不異桃李蹊方山妙筆無端倪紛點黃  
綠丹碧鷲陸離文彩騰壁奎吾欲十襲巾以紳所惜上山收榘  
榘未及照水窮溫犀又如相馬顧缺隄不暇再賞牝牡驪擣虛



更向大御批標識不使衆目迷收拾萬品歸赫幌秀色萃萃還  
萋萋補入箋疏誰敢詆騷人託意眇眇兮

納納

納納乾坤着此身了無一事得如人不勞筋骨吾何恃才閤風  
花迹便陳飲水半生安偃鼠圖形千載讓麒麟雕蟲豈是屠龍  
技也費工夫鍊未純

痛次壻劉孟綽

三載麻衣黯自傷更何餘淚哭東牀條驚出出譴譴事如壤田  
田殷殷牆大杖不逃真剜肉返魂無術矧醫瘍此灾十九關謠  
詠水底含沙刃似霜

勇於從令古云賢李代桃僵劇可憐急難鵠原先折翼重傷鴛  
馬豈勝鞭苟延殘喘窮呼毋無可明心死付天倉卒毀巢兼取

子有誰聞此不潸然

猛雨狂飈觸總帷一燈如豆紙錢飛  
迴邀親串爲同伴生怕伶俜要大歸  
婆也幾時知恤緯兒今他日恐無衣  
硯田舊日同甘苦菜把應爲汝厥微

讀孟華輝秋聲詩題後三首

錄一

掀天秋氣入靜者不聞聲豈有風旛動  
何曾雷柱傾百年嗟日及萬慮逼蟲鳴  
而況孟東野勞勞過半生

西關華林寺散賑將竣戲呈同事顏雨亭孝廉葉雲谷  
農部

豈有豐穰歲磬磬中澤人却憐終厥  
畝不得取其陳大吏勤求瘼齋糧杜  
要津盜兵方輯鄭舟粟遞通秦已礪  
常平穀兼詢豪右民救焚期勿緩選  
事力宜均飯許同持鉢醯原恥乞鄰  
拔毛

能活命勸糴幾焦唇敢謂杯非水居然客指囷成山欣聚米出  
礦乍鎔銀佛亦掀眉喜僧還俛首親十方齊種福初地倏生春  
脫殼移千斛編期過浹旬舊棚障日暗老手唱籌新紳士捐賑  
卽用商人  
所賑棚散以天中午喧先夜向晨形惟覘鵠面冊莫點魚鱗逐逐  
貪狼顧源源野鵠馴雞離曾不伏鳥爪竟長伸單獲頻攘袂雙  
拈尙曳輪牽經九子母詭譎五通神縱猛西門豹武弁西營胡  
公監賑出力  
難讐東郭魏瘡痍嗟絡繹蹂躪極酸辛菩薩心常軟金剛目漫  
瞋拯饑無善策此術匪醫貧但使炊煙續微勝破甑塵監河殊  
愧色香積或前因雨飽秋塍稔風清海島淳自然臻上理沿戶  
聽畝幽

朱翁子

行年五十氣如雲去婦求官覲得君等是沐猴誇衣錦何堪磔

鼠鬥深文采熊滿口能談道受詔還鄉竟領軍到底溝中同一  
轍幾曾富貴息勞筋

終子雲

獲獸爭陳封禪書終軍先發後相如入關氣槩猶題柱建節風  
儀類駕車生挺異材天亦妬死能橫草恨無餘國殤共惜童汪  
蹄須信談言異子虛

壽徐東簣六十

終天烏哺心匪釋鼎烹有分未忍食而况萊蕪甑塵積濁醪獨  
肯過我嘗與酣連醕三五觴曰壓愁壘澆書囊姓名幾個日月  
久意氣誰如山岳厚血性足抵松喬壽

題孟亭補梅圖爲楊楚垣明府賦

襄陽一老心冰雪驢背天高骨如鐵名山到眼不易逢幽路尋

花轉愁絕詩中畫手亭中人一樣風流天下聞飛鴻踏雪初無  
迹浣筆爲圖妙入神荒涼賸墨今已矣零落殘魂呼不起力扶  
欄檻種梅花映徹鬚眉在煙水此亭頃刻變瓊宮此花亦合署  
梅龍并將我輩登臨客引上玉眞峯頂峯

雨生飲子常惺惺齋醉後畫梅屬子題句

胷中萬朵瓊瑤花薰以麴蘖初萌芽春姿一放留不住吐向紙  
上都槎枒人言此花乃鐵石走筆若箇如龍蛇酒徒爛熳不肯  
受約束恰與孤山處士成一家

謝黃香石餉羅浮卓錫泉

一滴君家泉

黃文裕公號泰泉卽此泉也

靈府日輸灌齒牙漱餘甘發論若

河漢兩腋憑雲螭清風可招喚三宿大石樓皎日觀夜半肝腸  
耀五色不事更濯盥胡然耽水癖品味漚澠判隻手移龍泓遺

我以瓶罍嘗聞治廢田慨深耐旱嘆又聞脩廢井淤去自瀰漫  
羈栖在塵寰百結鬱不散靈泉視金丹入口凡骨換恍臨阿耨  
池隱隱覘彼岸禪閣如相逢滿啜一笑粲

雨中與崔鼎來張鼎伯王春沂飲越華池館鼎來覓以  
長句依韻答之

須彌五百納一芥世界大千藏一壺陰晴頃刻又百變池面霧  
出山雨圖座中佳士何軒渠醉鄉王子張釣徒劉郎逃酒不肯  
飲僕石前輩  
元簡去有如大魚潛深蒲豪哉孰似說詩鼎西江一吸狂

歌呼簷前猛雨助聲勢挾以陣馬風檣俱古榕鬱怒起蜚螻白  
波激灩跳明珠須臾蒸梨十字餅市得不用春且榆雨聲漸小  
婦鳩喚何異花下提壺盧吁嗟乎人生聚散亦萍點風雨一別  
殊軌途文章有神交有道醉筵端賴薛與蘇他時折柬速今雨

莫因霖潦還踟躕

白題所畫羅浮上界三峯圖

咫尺不識路雲行人不行穿雲一昂首十二樓五城

題二樵山水

萬峯頂上闕禪關拄杖先愁客到難筆欲攪天偏縮轉遠山橫  
翠水雲寒

爲賓谷方伯作青芝秋色圖

艷冶天女顏疲削尊者相名山蘊雄奇佳處莫名狀青芝舊遊  
人春心醉湖舫如入桃花源不願理歸榜秋風一滌除眞骨露  
丹嶂亦如林下人一味事疎放別來今幾春遊屐復幾緇瓦屋  
成幾間濁醪盈幾盎大筆寫歌詩寄勒崖石上氣與秋山高兀  
傲不相讓問誰能使然南城老宗匠

下筆寫山水本來無定名山水着屋宇何人之所營強名青芝  
山秋色歸簷楹署以西溪圖門外川光橫胡然老漁隱改卜淪  
前盟雖云被花惱未礙釣且耕天地吾籬廬兩美原合并神仙  
下遊戲到處爲蓬瀛何勞作解嘲預使猿鶴驚斯圖定何屬林  
壑隨手成急催種花人補種千瓊英花時湧香海恣意東西行

先生舊有西溪漁隱圖後  
以溪梅摧倒改卜青芝

### 自題山水

絳樹橫扶疎碧篠紛偃仰樵斧微有聲炊煙時一颺隔岸漁磯  
平迴潭縮寒漲冥觀淨冲襟縱步得幽訪倘非向子平有味契  
交象誰能此結廬煙雲自供養

奚囊綠綺琴隨客入秋林自領無言趣誰聆太古音石門蘿徑  
僻雲壑草堂深賴有商山叟紫芝同詠吟



秋田圖爲李子光昭作

一株鐵樹

堂名

立清秋花實千年不易收但喜商聲金石振那知

賓鴈稻梁謀嘉禾書就山爲屋叢桂

莊名

香濃月滿樓翻笑揮鋤

勤種豆烏烏餘恨託秦謳

湘帆圖爲顏子崇衡作

憶昔扁舟涉楚湘芙蓉九面蹙波光江山自古詩人地草樹猶  
聞帝子香我與目成知竊窕誰能壁立對青蒼君心遠寄千峯  
頂早晚靈宮謁紫陽

題賓谷先生青芝山下卜鄰圖

高田種梅花低田種離支離支五月熟珊樹燭海湄梅花十月  
放雪幙張天維何緣闕此境吟賞冬夏宜賁隅羅岡民此福兼  
享之我公聽斯言躍躍心魂馳因談舊遊處有峯近莫釐萬花

眩銀海一屋橫雲楣寫圖持作券偃息將在茲鴻題快寓目  
生雖措詞亦如小蘿峯豈足追青芝公言衆心聲一稟造化爲  
元音鼓橐籥地氣安得歧勾曲與羅浮一脈聯四肢吳江千娉  
婷粵嶠萬玉妃彌天降花雨臭味何差池興來輒獨往輪馬騰  
尻雅花源建德國勝處心自知何曾挾萬樂蓮山結架臨厓屨  
如以封畛論粵邇吳遠而我聞揮麈談推牆決藩籬公亦起抱  
琴欲往覓子期昔同姓羽翔奮六翮荒怪第九疑羣真導之前  
瓊宇何巍巍三山如可繪退谷能一揮

九日偕黃香石僧性眞登摩星嶺頂

萬生井底覩圓穹誰歟掉臂騰虛空舉頭欲語天當中手捫青  
壁非夢夢羽衣一振吹罡風紫煙獨駕凌飛鴻四維六幕一氣  
通宇宙安定爲牢籠是時秋老霜華濃金天布令欺祝融高寒

逐步較分寸氣侯頃刻爭異同軒軒山脚野火燎閃閃樹杪斜

陽紅

是日有數處野燒

山神豈亦厭孤冷鬱攸特借來熏烘僧言毒焰

須撲滅不爾殃及萬蟻蠱楞伽頂上一彈指清涼心地能降龍

傳將此偈落下界勝他萬指種金鐘火鞭漸息扶歸筇下見馬

鬣鬚蒼松蘇家太尉祠若墓姓名久與山爭雄結廬敢望住一

世躡屐暫至如旋蓬賢哉吾黨江夏公三上羅浮天外峯歸來

不厭追煙蹤安期桂父常相從祠成粵嶽眾仙下

近議於羅浮天外三峯建

詞

隨爾跨鹿趨靈宮

劉樸石前輩置酒花埭翠園邀同西山龍淵南山子羽

### 文園雲谷

兩船載詩客一船載春酒櫓枝搖過江繫船大堤柳沿堤千樹  
花暖氣蒸成霞媽紅嫩綠互矜寵欲與金谷爭豪奢就中眾芳

誰第一魏家紫姑移入室香熏沉水蘸春波嬌酣天酒宜晴日  
昔年華屋照花光何止金釵十二行繁華過眼風雨疾燕燕鶯  
鶯總蕭瑟隔簾幾隊簇紅裙冶遊有意訪東君豈知檀板瑤笙  
歇空有文窓綺檻存舉杯持勸客看花恍到洛陽陌舉杯持勸  
花來客盡屬劉倫家花曾幾見客如此客欲就眠花醉矣回船  
風緊浪如山一顆金丸墮煙水

嶺南羣雅

番禺劉彬華藻林輯

李黼平

字繡子嘉應人嘉慶乙丑進士由庶吉士改官昭文知縣  
著有着花菴集

拜楊忠愍公祠

朔風折膠俺答來沿邊士氣如死灰大同宣府畫不開將軍者  
誰尙徘徊敵人見強丐若馬互市空看汗流赭秦西冀北良驥  
多歲費金繪策固下貳師卦吉終無功高論當時觀火同狄道  
歸來報天子銀章曰簡生霜風春雷無聲日赤色大臣顓權必  
蠹國石顯將同貢禹升董賢不受王嘉劾書牘安知獄吏尊蚍  
蜉有膽未要吞賦詩漫比廣陵散自送浩氣還乾坤松竹菴西

風雨昏靈旂恍惚招忠魂生不遇時安可論方今 朝廷轉圜  
容直諫彼何人斯徒菟還徒雁

送南垣之宣化

斜日居庸疊翠多送君彈劍此經過舌存不上平戎策耳熱仍  
爲出塞歌三衛市聲喧健馬九邊秋色卧明馳壯遊倘憶荆高  
侶宜有雙魚寄俠河

故燕城

雲物蕭條天宇清杖藜來訪故燕城良鄉極目真寥廓上谷當  
年屢戰爭馬骨且求招樂毅烏頭難化遣荆卿下都池館修連  
日說與遊人恨未平

涿州觀官軍赴蜀

涿州城門朝四開兵車麟麟動地來州官鞠躬犒牛酒飽肉勇

決如霆雷道旁小兒莫驚避蜀人日望官軍至國家經營關以  
東汝輩祖父俱從戎百年精銳偶一試邑惟汝櫛城汝攻行矣  
努力高官職龍尾在辰賊可克

海潮菴

幽菴肅肅對海門天風駕潮趁黃昏穹龜長魚踏崩奔如泣如  
訴多煩冤高居大士悲不言化身八萬四千臂頃刻拔汝三摩  
地宰官士人同此淚欲借圓蒲一宿睡潮歸月明竹橫翠

送張芸堂茂才北還

短後相逢東海頭黃腫雲物眼中收仙心日間蓬山渡鄉夢宵  
隨涿水流擊缶幾人同意氣著書如汝未窮愁前期好在華陽  
館準及春風並馬遊

南窓書事

憶偕計吏上金門庸作供資僅自存疏政可能如賈誼談經差  
欲附林尊諸公雲日依天近獨客風潮竝海昏永夜南窓成絕  
嘆荒鷄蕭瑟莫重論

曲巷

曲巷羊車碾暗塵下簾鸚鵡語相親十年後約重商略頭白樊  
川恐負人

朱畏齋廣文

光岩

席上賦贈

蛾眉婉孌真傾國待婚十年人不識邯鄲廝養從昔悲甘抱紅  
顏當戶織三邊健兒罷虎樣髀肉閒生志猶壯若爲異道從大  
軍射獵還應是飛將秘書著作不可期用爲僉官又非宜如舟  
學舍躋容膝怡稱先生中隱時檐前脩脩鵲踏竹門外丁丁鳥  
啄木殘書壓架三百軸無事可倚匡牀讀高車新雨時復來不



惜生芻博金玉鄙人客幽冀漂泊滄海濱黃塵清水間覲面風  
期親倒衣相過鵝鴨熟已是不作周旋人桃李春風開甕夜素  
雪縈簾燭光射清歌嘹遶穿洞簫豪興盤旋杖甘蕉自云挾策  
登蠻坡太液雨後生滄波詩成跪進 天一笑殿前滿酌金叵  
羅往事悠悠重回首馮唐老少我何有懸鼓空存尙待槌大瓠  
旣落誰容剖先生醉矣行且眠人世得喪寧非天談經聞有折  
鹿角博士衣冠當薦賢

河東君小像

青青水楊柳愛藏頭白烏西風一夜烏畢逋煙條露葉苦將雛  
北里佳人絕代姝憐才無端嫁相如膚如妾髮髮妾膚絳雪偕  
居樂有餘滄桑中歷同麻姑願逐鳴夷浮五湖風波拍天渺愁  
子爲郎畢命存其孤吁嗟高義過尙書尙書昔遭陽九窮骨肉

之戰如湘東渡江一馬不作龍尙青爾時負而翁紅豆莊前草  
蕭瑟生綃傳此雲月質世間若道車油壁何以同心固松柏

宋芷灣吉士 湘自惠州至

終童始爲棄孺生壯志乃能請長纓魯連慷慨天下士玉貌豈  
肯安園城丈夫要當爲世福不在虎頭飛食肉一夫向隅聞者  
悲何況千家萬家哭翰林丈人居惠州載酒日與諸生遊江山  
清空伏莽易先識耿耿生深憂後者尉佗前任攜千年霸氣恐  
未銷惜哉曲突薪不徙坐看額爛兼頭焦博羅縣前提大鼓一  
夕驚傳走豺虎相公行營天上來偃甲輜戈戒安堵營門晨開  
四吹角抵掌來談黃石略建瓴背水勢已成便可如風掃秋縹  
吾謀不用非無人琴劍飄然來海濱却看妻子寄虎口未免黯  
淡傷其神潮州城南秋色新樓臺倒影波淵淪公如凭欄寫秋

水何許頌洞多風塵

樅陽口守風作歌

馬當山前風快哉輕帆飽掛窮雙桅雷池一步頃刻過樹石反  
走山西迴盤渦轂轉浪倒涌舟人絕叫顏如灰襜褕蓋舳迭搖  
兀趨勢一瀉趨灣洄樅陽小港暫維繫尙聽歡飲聲相壓攤錢  
三老竊言語且住未可將頭開昨升柁樓見箕舌簸揚糠覈迷  
煙埃四天雲垂九日晦水怪百種將爲災同舟聞之色沮喪性  
命立待幽都催東船西舫更無賴夢涉大水歌瓊瑰我時躍起  
聲如雷君等錄錄非奇材雕弓脫弣箭拔取爲公一發銀山頽  
興酣却蹋琉璃堆隻手鎖獻支祁來湘妃汜人出婉孌許送明  
月光珠胎仰天大笑仍呼酒何似當年射蛟手詰朝穩下牛渚  
磯管取龍蠃不能吼

鉅鹿

訪舊沿河朔來過鉅鹿城晚雲垂野濶殘照入林明此地秦輸粟諸侯楚縱兵回頭書劍學吾欲悔生平

邯鄲題壁

誰使長平萬衆傾父書徒讀易談兵將軍遺矢無人用一種西河望泣情

夢中將相事難憑醒後神仙更杳冥何似玉皇香案吏本來無夢亦無醒

董家堤曉望

河聲籠樹曉微茫隔岸孤城見大梁九曲西來迴華岳三川東下扼黎陽沙留竹落驚新漲秋入蘆花報早霜安用書生頻上策瓠歌前歲塞宣房

寒夜武昌客舍醉歌

沔陽渡頭北風惡十日刁調打江郭遠岸聲喧僵石牛高樓影  
拆翻金雀肌膚生鱗驚血凍坐擁重衾不成夢歲晚難呼五木  
嬉宵長正要千杯送座間陳生慘不懽擊缶起歌行路難瀟湘  
江洲浩極目七澤蛟螭競人肉橫波伐鼓河伯笑暮雨拋戈鬼  
雄哭蔡昭身解漢濱颯卞和血裹荆山玉修門窈窕誰見招自  
古江陵折車軸世途駢綿皆九疑側足四望空嗟咨驂鸞剩欲  
遊懸圃髣髴恩言傳玉女已分絳闕作樓居先借銀河濯塵土  
勾陳無言列缺怒竊恐常陪伏如處幽憤臨風私自憐精誠貫  
日知何補吾家青蓮真謫仙江漢遨遊詩百篇功名富貴如雲  
煙且可飲中求聖賢同雲萬里初雪天飛瓊屑玉堆人前長江  
立使變美酒甘脆共汝飛觥船

浮湘

生當折箠笞九邊封狼居胥勒燕然歸來論功畫高閣通衢甲  
第連雲煙不爾校書羣玉府手採猗那付鞀鼓太乙壇前執戟  
從奉高宮裏簪毫舞周南留滯古所傷我今一病浮三湘丹楓  
蕭蕭天雨霜掛席欲進煙波長岸草敵寒色渚花延故香欲攀  
芙蓉照淥水佳期一夕風吹涼沈吟此時余未發滿酌流霞佇  
明月黃陵古廟冷雁飛白沙舊成哀猿歇山靜江空珠斗斜蕭  
韶九奏迎重華五龍騰衛翊芝蓋二女降渚迴雲車鳳皇銜書  
來下界小臣感泣先驚拜正直詎能山鬼通疎頑只恐江神怪  
途窮日暮無所之帝遣丁寧慰行邁滄波無日無歸舟絕代蘭  
芬誰許儔楚國聲名重屈宋漢廷早晚徵嚴鄒如今桂嶺人南  
去終古湘江水北流

畫鷹

高堂畫鷹十餘種側腦縱筋各神勇雲鵬倒地愁血濡月兔逃  
天怯身竦一鷹稜稜代都赤一鷹矯矯荆窠白一鷹海東青作  
色伏樹未展摩天翮真骨翻從粉本看雄姿歛向風塵惜徐州  
刺史生天西入關反覆遭人擠幕前不受半豬食城下轉畏連  
鷄鷄鮮卑氏種俄相見國士相看荷深眷得脂仇綏依伯勞啄  
蒲蕭瑟傷飛燕飽颺飢若俱無補眼底英雄又黃土此圖埽成  
非漫與意寫鷹揚奉明主捧日終須賢爪牙決雲始是奇毛羽  
小苑長楊秋獵來霜仗喧繁同此材漢皇詈軒選猛鷲汝盍變  
化休徘徊妖狐九頭聚窟穴衝颺一擊峭潼關

曇繡夫子署齋鐵樹花歌

河平冶爐妖所蠱夜半隆隆劈雷斧工師駭汗走相看電轉星

飛入泥土精悍未銷難久藏怒迸木介兼金剛燭龍垂胡含變  
化火鳳反翅森翱翔可憐五嶺生真成九州錯柯葉雖自奇芬  
芳向誰託海枯天悶幾榮落未解隨人闢茅鄂不知使君有意  
無暇酌卯酒催丁苻千呼萬喚出一株但覺斌媚忘豪粗得非  
石家奮如意觸手碎點青珊瑚優曇色相須臾現六十年開此  
其變若云廣府今始逢乃在邕州昔嘗見見先生集中  
思隴驛詩陶鑄頻  
邀造物恩艱貞倍荷高人眷世間浮華過眼空瓊枝玉樹且翻  
風凜然生氣擢翹秀汝信彪外由泐中吁嗟乎鰥生筋骨與汝  
同春心欲吐梅花紅

送集松歸應江南布政司試

尊公胸有武庫兵繡衣跨海屠長鯨彼紛如煙我如鏡出奇端  
掃徐盧清佳兒膝上掌牋記賦詩草檄皆知名檄如巴蜀喻賊



殺詩似江漢思寧平征南一集有九郡筆墨妙與經綸并射堂  
文譙盛賓客通家意氣尤相傾驪牛黃馬接雄辨時月小隔神  
迴縈今晨酌酒送君別歸路苦溯湟溪征鬱孤開眼望鄉國旗  
柳肯係南遊情徐揚去年秋水至魚頭人戴私憂驚淮奔河躡  
更嚙運洪流要向雲梯行勝朝陳潘世詎少天以禹貢徵書生  
江南秋風吹石城短轅高屐趨羣英好推經術救根本莫賦江  
海誇從衡萬言忠貞皆切中長離北渡天風送明年知汝對白  
麟還爲葭蘆沈哀慟

嶺南羣雅

番禺劉彬華藻林輯

莫元伯

字台可號睢山高要人乾隆己亥舉人官番禺訓導著有

栢香齋詩鈔

玉壺山房詩話睢山胸無畦畛和易近人往余在端溪舉  
比鄰接樂與偕遊負笈其門者歲有百餘人今來司鐸吾  
邑猶日談經弗輟廉俸所入營甘旨以奉九旬老母  
餘悉以周貧交人品已高詩亦質而不靡浸而彌永

將客春州菊社諸友爲予餞別卽席賦謝

塵鞅歸從萬里遊風帆今又指春州家貧菽水思毛義年少功  
名愧馬周野驛江程新客路紅亭綠酒舊朋儔身無兄弟勞關  
慮二老皤皤雪滿頭

雜詩

野人美芹莖鴟鳥甘腐鼠萬里嫁漢妃一言立齊女東家豈不  
賢不受愚夫許物情有殊嗜安能一爾汝君子重立身達人識  
審處珉玉自貴賤好惡隨寒暑勗哉先民言行身踐規矩  
車驅慟途窮馬行愁日暮洛陽美少年痛哭論時務功名期及  
時懼爲蹉跎誤不見老馮唐白首傷不遇惜哉謫長沙空傳弔  
屈賦翻思渭濱叟八十移殷祚速進誠無階疇能測其故  
斥鷃笑大鵬疾驥踴跛鼃賢者不可測誰從識少節丈夫志四  
方執手易離別榮名豈爲寶致君每飾說庶期升斗稍差免俯  
仰缺府辟難重尋先幾返車轍卓哉尹和靖千古景明哲

舟中作

登高望遠賦將歸急雨寒雲願轉違舟避石稜沖浪出沙隨風  
力渡江飛溪邊多種懷人樹身上密縫遊子衣不有同心頻載

酒謂劉世崧范昌運袁昌樞誰排愁悶語依依

端江舟中

江平風靜午晴時入眼鄉園喜自知未覺一年爲客久翻嫌十日到家遲半空樓閣城邊樹兩地雲山篋裏詩想見白頭頻悵望尙疑遊子滯天涯

咏史小詩十三首錄五

苦調揮琴瑟詩成白馬篇弟雖悲煮豆兄自夢磨錢  
草木皆兵氣神功破賊還尋陽傳檄日何不禱中山  
東宮夜饗士合殿計蹉跎禍果關凶宅江徐又若何  
不救衆生苦金甌缺可傷六時爭禮佛憐爾建平王  
艷製龍舟曲貪看長樂花豈知王樂部流涕聽琵琶

石灣月夜

夜半水氣寒流光射篷背推篷一仰視月色淨如漑天遠羣嶂  
出碧極雲不礙山明塔影瘦灘急水光碎人家隔沙渚白到竹  
林內荒雞一聲來寒燈靜相對

泊中宿峽

孤舟維落日高峽鬱嵯峨遠海潮難到離家夢漸多山昏寒欲  
雨灘急夜生波帝子叢祠近猿聲出薜蘿

維揚與同舟諸公話別

時葉經門區晦亭由長江予與  
梁星垣林文園宋葵亭由內河

劍積風塵尙作芒悲歌同對鬢毛蒼扁舟潞水猶前日尊酒燕  
城又夕陽月色一帆分鐵甕濤頭千尺度錢塘馬蹄先後梅關  
道記取離杯在異鄉

龍游道中

看山隨棹遠幾日到龍游嵐氣結爲霧灘聲寒入秋綠楊津吏

鼓落日榜人謳忽聽鄉音近殷勤問隔舟

龍華寺夕坐

水檻風涼散酒顏一林黃葉夕陽間客身似鳥方投樹秋夢如  
雲半在山松徑多年來鶴少石橋何處遠僧還貪看江色連天  
起竟夕禪扉不上關

登仙掌絕頂

詰曲攀蘿上天風時一遭石奇爭作笋松小亦成濤野水四圍  
合危岑孤寺牢舉頭見雙鶴縹緲入雲高

新築小園三首

錄二

身世苦形役一勤百不荒藐茲灌漑地卒歲同皇皇春來種瓜  
蔬秋至築禾場時復率婦子拮据不敢康老母扶杖來指揮高  
樹旁人生無長少艱苦須備嘗

四野既平曠千峯亦嶮崎  
巡階一遙睇歷歷羅致之  
平生素心人聞此閒來  
窺携手坐花前爲我賦  
新詩村原接烟樹池水生  
風漪寫此活潑懷歡言  
杯酒持

上粵秀山用壁間曾方伯韻

岡頭羣木落眼底萬家開  
海氣寒將雨山風怒欲  
雷城餘漢時蹟世幾陸  
生才俯仰空搔首酣歌  
上此臺

登白雲山摩星嶺

羣山東北來環峙如列屏  
屹然萬馬立昂首驕不  
行平野忽湧出孤標何  
崢嶸軒軒龍虎盤簇簇  
雲霞蒸峯巒互向背林  
壑殊陰晴蒲澗與菊湖  
事往存其名我來及秋  
暮木落山逾清策杖披  
雲根跂足捫天星呼吸  
若可到俯視塵冥冥罡  
風爲吹開四野天垂青  
積水趨二門飛塔低三  
城環抱盡韶斐到眼如  
掌平

登此險絕場慨然念平生三子促我歸

謂黃生棠一暨兩兒子

笑蒼烟橫



嶺南羣雅

番禺劉彬華藻林輯

陸樹英

字恒芳一字春圃高要人乾隆庚子舉人官鹽城知縣著有醉霞山房詩鈔及塞嚶集

王壺山房詩話春圃未弱冠卽有詩名見知於李雨村宰鹽城以水災呈吏議行戊伊犁所遇天山瀚海白草黃沙有所感觸悉以韻語寫之有秋笳曉角聲未幾賜環年僅強仕酒酣浩歌意氣尤不可遏其詩以塞嚶集爲尤傑莫雁山題其後云艱苦漸多才漸老始知霜雪亦此溫柔敦厚之言而春圃出塞以後詩之所以工亦于此見矣

棧道雜題

詰曲路多迷亂峯高復低日遲當頂出雲早與身齊換檐人分嶺喧春水隔溪暝猿不畏客時繞樹邊啼

入巫峽

不知巫峽險陡覺得奇觀山在雲邊出天從井底看萬箇爭隙地一髮引危灘當日陽臺客夢魂何處安

鹽城水災紀事

洪流一過萬家驚驀地波濤怒不平大吏傳聞催月報長官出視戴星行桑田沒路都成海漁艇飄風半泊城安集未能誰守土自慙涼德累蒼生

遠戍伊犁別內

相聚他鄉又別離我西出塞爾東歸多情却是江南柳爭送飛花兩地飛

萬里投荒顧影單風塵面目雪心肝勞卿尙勸衾裯計那有佳人嫁廢官

內子以眷屬不能隨行勸置側室

渭南中秋

逐客忘佳節那知有月明  
關山遮渭樹風露咽秦箏  
不寐門虛掩無聊酒漫傾  
團圓萬里影兒女獨縈情

早度青藍嶺

看山侵曉發山近路仍遙  
嶺斷青藍水雲連安定橋  
炊烟穿穴出酒幔隔林招  
誰識騎驢客邊風裂黑貂

過車道嶺

山暝噪飢鳥蒼黃客在途  
亂峯爲雪有一徑入雲無  
陟險輸猿捷衝寒耐馬瘡  
人家知何遠不復問樵夫

高臺道中晚望天山積雪

向晚天山近邊寒倍覺增  
日懸千仞雪鬚上幾條冰  
畫意浮林表詩肩聳石稜  
夜來何處宿野店月初升

天山

奇山豈受中原縛走出窮邊始大觀羣峭摩天連不斷層崖積  
雪暑猶寒烏孫赤坂瞻雲拜馬邑龍堆倚劍看恰與逐臣行有  
約朝朝飛翠送征鞍

將至嘉峪關

行行休問路路豈有窮期且醉臨關酒還吟出塞詩夕陽低馬  
首飛雪墜鞭絲怪得途人笑龍鐘不自持

積西道中

大荒西去景全非白草黃沙入望微馬與水流爭路走人從風  
勢帶山飛口外積成山大風移徙無常往往有連人畜飛去者一官淩落途多險萬里  
飄零淚暗揮天縱有涯行未盡悠悠何日稅征騑

宿雪山頂

凌寒出天外玉宇在虛無投宿知何處登高試一呼雞聲殘雪  
斷客夢亂山孤記取今宵景西征絕頂圖

望見伊犁部落

及至烏孫道客愁都已輕風沙天末盡日月雪邊生雁磧開千  
里蜂屯聚九城從來難到處到得險俱平

大風過三臺海子

長風起天末吹客過瀛洲海忽立人面山都搖馬頭半空驚石  
落大地蹴萍浮今日誰推轂飄飄列子遊

度天山再寄伊江同戍諸友

自別伊江三十日輪蹄無日不間關故人若問經行處五月披  
裘過雪山

華陰道中

落葉滿空林迢迢古道沉雞鳴茅店午馬飲華山陰日迴珠懸  
掌峯寒翠滴襟秋光與行色到此兩蕭森

自洛口沿河至汜水

側身下烟霧山徑逼河皋縹緲辭王屋盤旋出虎牢孤城臨水  
斷峭壁倚天高止宿津亭暮猶驚耳底濤

喜抵家作

罷戍人歸白玉關喧喧喜鵲噪門闌全家忽作重逢慶故里眞  
同隔世看屐齒踏穿忘路遠裘茸敝盡耐天寒萬千辛苦從何  
說且對妻孥強笑歡

壬申臘月十九蘇文忠公生日與郭霽嵐山長招同隱

輯菴明經瑞元黃魚門布衣鑰陳飭堂紀元黃三山

東海李春園元開殷耕野師尹江檻泉芹青葉暉谷

重光梁萬夫廷杰夏式如錫金邱雯軒如陵魏東美  
珣僥璞菴瓊諸茂才集白鶴峰祠設祀分賦得七言

律詩四首

天與髯仙作降辰年年迎歲早梅新花開紫翠雙城曉酒盞羅  
浮萬戶春笠屐神傳香火地祠內有東坡笠屐圖角巾影現宰官身吾儕  
此日稱觴會海屋曾添幾劫塵

鴻爪三年壇坫留不須蟻穴羨王侯醉鄉自大乾坤小睡境長  
存富貴休叔黨追隨猶配食章惇睚眦復何讐峯頭一曲南飛  
鶴此老而今在惠州

海山求索望駢鸞冉冉雲旗好駐看四座樂喧鳴鼓角

惠州城南有鼓

角一甌茶熟薦冰湍

祠前有蘇井東坡所鑿鑄鐵水湍二大字

燒來蝙蝠空愁轍食

近蝦蟇稍怪韓爭似此間文字飲挽鬚握手滿堂歡

人生得失且休論大節如公百世尊多少遷臣同洒淚後先詞  
客替招魂

謂宋牧仲中丞暨  
畢秋帆制軍等

笙鐘酣谷憑靈爽桃李迎風解笑

言一瓣心香詩四首豈知儂亦託龍門

### 望羅浮

胸有四百三十峯烟嵐常繞魂夢中今日不期遂夙願船頭飽  
看青芙蓉一峯如俯一峯仰老人玉女屹相仿更有一峯飛入  
天道是雲母皆恂悅其餘峯與峯爭妍尹邢見影俱悠然迴頭  
隱隱雲際塔側耳泠泠風外泉借問神仙在何處石柱鐵橋不  
可渡桃源洞口梅花村遊人徃徃迷歸路我欲化蝶蝶無媒我  
欲招鶴鶴不來我欲騎虎虎又啞風雨離合空徘徊



嶺南羣雅

番禺劉彬華藻林輯

顏時普

字穀田一字雨亭南海人乾隆己酉舉人著有觀心集

玉壺山房詩話穀田少日美丰儀工琢句今年逾半百詩猶綽有餘妍五言如柳深鴉背綠日落馬蹄紅心隨羣雁遠夢與亂山多七言如淡烟楊柳不知岸細雨桃花第幾橋百道澗泉孤井漚半天烟雨一僧寒笠落河漣依郭近未圓月影移波來村助缺倩沉雲補是曲宜濕樹籠池多魚婢渾渌趣座近梅兄未覺孤亦性僻耽佳者也○己酉歲余過夏都中與陳雲門張墨池同寓張葭房南雪軒明年穀田暨其從子詒兼北都停柩偕上春官載酒題襟爲歡甚洽後升流跡異今昔之感亦因之而生惟穀田墨池猶得時相挹袂墨池爲葭房從弟詩楚楚有致畫品得南田石谷子提諸家之勝山水花卉兼工他日輯嶺南畫徵當首屈一指

鐵塔歌

南漢遷祚今幾年昌華院落如雲烟獨留訶林兩鐵塔穹窿對

峙東西天千層金碧列尊相膠灰七級相糾纏鐫銘字古尙可  
辨陸離璀璨青紋鮮我憶宮人祝萬年祈禱不惜黃金錢胡爲  
鳳紀不少延轉盼無異金盤遷辭漢銅仙尙含淚嗟哉塔影惟  
高懸當時何不銷鑄爲錢搏而乃燒山烈地忍使赤子嗟顛連  
塔兮塔兮吾願舍利光常圓萬古覽者猶知佞佛真徒然

長楊道中同張墨池作

蘆溝橋北二十里長楊店官柳沿途有望西山廣袤如畫

凌晨走長坂平野瀉繁縟柳色濃淡姿迎風弄晴旭林遠樹脚  
齊玲瓏異盤曲枝梢隱西山歷落幾間屋我生嗜吟咏遇景輒  
措目偶然悟畫意徘徊逐林麓知君善臨池揮灑脫塵俗京邸  
兩歲淹真蹟快展讀雅懷託豪素未使前哲獨歸造粒粟園墨池  
名吟詩倚修竹相期一斗墨贈我千里綠

早過長楊懷張墨池

官柳濃分夏氣清驅車振觸昔年情別人中酒心如昨讀盡論

詩事已更

庚戌曾與墨池在此評論盡意  
墨池歸作長楊野店圖見臨

一派風沙烘野色四

山林木作濤聲羨君高枕羲皇似不遣塵緣逐夢生

### 將至維揚

舵樓閒倚豁鄉愁如洗晴空夏似秋雨兩岸垂楊帆一片載將明月到揚州

自富陽至富春一路皆山奇峰疊出莫可名狀偶拈十

### 韻以記之

高峰插天雲細路逐江水路曲峰廻環不知幾千里巘岼青螺頭岸嶠黃鵠背袤延連蛇腰峭拔削龍耳石形蹲青牛草色浮綠螳飛泉拖長紳怪樹簪碧珥駐顏朝日光掃黛餘霞綺烟籠蜃樓開月吐蟾宇起我欲陟崔巍屐乏高低齒鎮日費追摹清

風一帆駛

訪秋坡先生釣臺故址

壯歲遼東戍歸來一釣翁功名符止水師友賸高風斷碣蒼烟外危磯夕照中桐江有遺蹟寄託古今同

竹醉日移竹

端午未匝旬急雨滌煩熱乘涼此君軒修枝挺高節萬个青扶疎下有龍孫列園丁前致詞平安報真訣日惟十有三轉堦易萌茁醞釀土膏厚勝于醇醪冽生意茲其蘇發榮功可決形卜貓頭攢根免颺口歸木接術從同花移法何別堅定比君子遷地仍秀傑他時齊簷牙清颺響玉屑詩酒祛俗氛雅遊憶前哲安得文與可寫真特奇絕

嶺南羣雅

番禺劉彬華藻林輯

高士釗

字西山順德人乾隆壬子舉人著有北游草

同蔡青巖崇效寺看花青巖將之官山左卽以錄別

棗花寺裏花連天都人遊女車闐闐黃蜂紫蝶不知數紛然亦  
逐春風顛我來長安及花前十日不出花滿阡一朝聯騎尋花  
去花如相待故嫣然卅年悟徹拈花禪前身合是掌花仙花下  
破顏同一笑與花共證三生緣東風花事自年年鴻爪東西路  
幾千飛花有意能相憶會而何時空復憐

六月十三日夜與金春汀奕罷偶然有作

微雨夜氣清煙際月初上流光入空庭悠然寄心賞相對澹無

言殘棋落清響人定萬籟寂清歌出幽幌獨夜不成眠深竹螢  
朗朗

八月初六日自西便門至澄懷園道中作呈漁溪竹溪  
彥聲

雞鳴出郭門理策事幽騁星光遍野繁茫昧辨馬影石逕積潦  
橫白見光罔罔四野悄無聲曉氣益淒冷萬慮息紛營翛然足  
清景

澄懷園貧坡先生直廬卽日

山清水碧遶朱檐綺檻花欹砌草纖傍午輕陰移小樹新秋涼  
思入疎簾地饒泉石心偏遠人到蓬壺夢亦恬千載却憐江海  
客天香衣上一痕添

富陽卽事

苦雨連三月千山瀉急流天邊雙槩落樹杪一舟浮斜日飢鳥  
集深宵估客夢江湖正留滯空有稻梁謀

南安道中入峽見山川奇絕前屢經此未之覺也作詩  
狀之

停午入峽口異境喜歛邁雨崖爭雄尊各各聳神秀絕壁插青  
冥奔瀨洩潛竇巒交夏陰寒潭深日光瘦一峰尤峭特兀兀俯  
羣岫石上走雲雷頃刻彌昏晝飛瀑瀉清寒山骨露剔透延緣  
幾百轉奇趣迭奔湊我生數經過昔過今始覩顯晦固有時山  
靈漫相詬

桂陽道中

自入昌樂隴陡覺天地窄攢峰青入雲四望絕林隙舟行悵已  
窮渦漩峽忽疇險怪迭變現往往飾精魄今朝出矮篷竊喜天

宇闢山川雨清曠渺渺涵空碧悠哉客子心指點乃大適所歷  
竟何常一昔霄壤隔



嶺南羣雅

番禺劉彬華藻林輯

鍾啟韶

字鳳石新會人乾隆壬子舉人著有讀書樓詩鈔

玉壺山房詩話鳳石籍隸岡州而家住羊城西畔與張墨池顏穀田高西山蔡季材枌榆近接裙屐相邀每多倡和於余則廿年舊雨也詩饒風韻蘊藉宜人句如荻花明夜水蛩語寂秋燈烟橫一鳥平拖去住轉羣山逆走來送笛有風皆過柳到橋無水不生詩路橫怪石迂盤馬風引歸雲緩帶禽半月橋橫深樹底萬家燈碎亂流中嵐氣忽晴還忽雨野吟宜寺復宜橋隔水雲如詩思懶過船風學酒人顛如夢幻中忘去住最虛無處有神仙五更窓格闌珊雨一匝屏山懊惱風皆集中尤鍾鍾者

江月

江頭一片月照盡去來程之子虛良夜孤篷尙遠征錢塘潮汐信赤壁古今情莫遣烏啼急霜林風正清

卽目

黃日漏林薄碧波流葉聲悲秋畏殘夢望遠到離情一昔破碁  
劫六時鑒酒兵伊人渺何許烟水隔空明

藥洲懷古

仙湖湖邊花事微甕城城南烏夜飛飛鳥忽刷湖光去草樹豐  
茸故宮路官雲漠漠烟濛濛氤氲一氣銀潢通卯金鑠丹丹不  
轉星搖珠殿淪長虹顛筆淋漓勒怪石大字波磔驅神工鈎斲  
啄碎木棉絮榕根攬岸枝撐空君不見蓋海浮田大於席白龍  
宵奔曉無迹南苑十日飛霹靂降龍是孫乖龍祖行人莫問劉  
郎塢荔子灣頭半風雨

木芙蓉

遠暎丹楓坼絳葩紫霜瓊露湛清華香如借雨難爲菊天不閒

秋著此花艷骨倚風欹素壁醉容扶日照烏紗分明點綴澄江  
練一種詩情付晚霞

題管夫人畫竹

夫人原不習嫵媚貌出幽篁思悄然偕老一竿投未得渭雲南  
望宋山川

望湖亭

吳頭楚尾路漫漫只合周郎擁節看百萬習流軍駐處鄱陽山  
色至今寒

左蠡

湖西墮織月寒色半江風京國幾千里水雲行不窮扁舟指吳  
會春思入歸鴻挂席遲明發匡山杳靄中

合肥道中二首 錄一

嶺南羣雅  
決勝圍棋一局中指麾談笑出元戎而今古成風聲靜殘月疏  
星望八公

手車車夫行

前者六十雙鬚絲後者三十健且頑滑泥著脚手欲厖羊腸詰  
曲汗纒縻仰登峻阪俯下陂要與去馬爭奔馳自言家在東山  
陲石田犂确久不治少習推挽疎耘耔一飽計得忘險夷家中  
十指常待炊告爺辛苦爺得知六十老翁三十兒

臨淮

客思滿淮南離心渡淮北招隱爲誰歌蒼然小山色  
步上淮浦橋畏見淮流月猶是故鄉明相思渺天末

次高郵

一放清江棹蒼茫夜氣漫峭帆收壁社孤月上淮安水國千山

霧漁村五月寒却思殘夢醒晨鐸動征鞍

過金山

仄步微茫生晝陰石盤陀聳青楓林浩然直控海門碧秀絕不知江水深空際樓臺疑蜃結夜來風雨定龍吟殘鐘一破孤舟夢北固蒼蒼自古今

讀嶠雅

嶺雲迢遞接湘衡終古離騷此正聲豪倚扁舟乘鄂渚獨攜盃酒謁昭明殘雲海雪傷焦尾故國春風語赤鸚一醉莫愁湖上月江南蕭瑟庾蘭成

妾本良家子

妾本良家子讀書解聲詩少小雅髻綠耶愛同嬌兒阿母膝邊戲阿姊牀前嬉灼灼春庭花風雨無狷披家勢忽中落耶與人

世辭辛苦事阿母十指供晨炊一朝遇強暴以妾爲居奇淪身  
教坊籍忍死待母知朝朝淚粧鏡所願逃鞭笞諸姬挽雙髻爲  
妾簪花枝進妾雙絲屨畫妾雙蛾眉蘭堂睚檀槽妾抱中心悲  
擁妾出粧閣弱質誰支持妾實生寒閨不貫親香脂纏頭金百  
萬買妾雙涕洟諸姬妬且憐杯酒還啣嗤強言謂妾媚不語云  
妾癡堪笑霍家奴見妾冰玉姿百計謀一盼妾心安得移翩翩  
貴公子聞此肝腸摧爲妾覓阿母母在珠江湄爲人雜作苦一  
命如懸絲參商條數載不得同渴飢公子報消息慰母長相思  
朱提爲母壽板屋爲母治嬋娟百金贖免使終磷緇團團漢關  
月迴光照文姬潏潏合浦波復瀦爲珠池沉幽一朝起一語不  
及私女跪告阿母報德當在茲兒夙誦書史古義良所師寸心  
拔小草不死如卷菴標梅咏南國迨吉將無疑長此奉春暉永

謝行露滋窮陰望白日阿母爲致詞公子重其意明璫以相遺  
同心結錦帶並轡銜金羈春華二三月廣幃和風吹香煙凌博  
山紅酒融玻瓈百鳥爲我鳴游絲裊晴曦報君以玉案拂拭無  
瑕疵將何比君德鰲山鬱巍巍何以喻妾懷冰絃靜琴徽鴛鴦  
共煙渚頭白以爲期

雜詩

鷓鴣豈不樂志不在天地鴛鴦甘伏櫪千里讓騏驎閒臆手一  
卷大略識文字騁論高黃虞棲心守衡泌世途稍閱歷動則見  
顛躓聲華宵小疑高明鬼神忌繕性劑剛柔觀時審趨避履道  
巖險平貞信風濤利幹濟實資才糟粕真須棄乃知紙上談不  
了天下事

獨夜

春草萋如許。春雲黯不高。雨濃添亂夢。貧久得真豪。身世何多感。升沉信有遭。何人知此意。孤影對松醪。

西濠曲 井序

志里中水患也。究源流之故蹟。明開塞之殊時。道俗以文辭繁不殺。長言永歎。以備采風。

家住羊城西。解唱西濠曲。此曲效吳趨。請作風詩讀。西濠源自

東北來。芝蘭湖外凝深渌。雙井街之西古芝蘭湖南漢時宮苑遙指劉王舊宮苑。

苑外流花橋名漾晴旭。古木蒼蒼金字灣。涓流活活西山麓。倒映

城隍四山碧。潑上郊原萬重綠。第一通津向南折。西山南爲津第一津

上高隄。倍于屋。溶溶直下西門橋。控制當關勢全束。幾度關干

略約橫。夾岸人家俯平陸。過客猶傳舊酒樓。春草芊眠蔭修竹。

左繞東濠水。關汛淨抱城根一圍玉。帶河西濠右達四五里。玉



帶爲肩柳波兄。恰如丁字一畫分東西。西頭直與東頭齊。東濠  
故道自依昔。惟有西濠成僻蹊。相傳兩藩定粵再湮塞。迴欄南  
瀆開新谿。新谿逕出珠江口。湧去萬疊青玻璃。上游只賸馬頭  
在。昔時疏濬碑鐫題。旱橋遺趾但髣髴。旱橋有石數級今在青雲里口西濠舊由此道  
紅塵雜沓喧輪蹄。正似餘杭舟行忽頂壩。舍楫登陸河之倪。又  
如漁人再入武陵路。空記洞口桃花迷。却疑清濟伏行處。待瀕  
柴澤流澌澌。行行頗識舊濠面。千武初窮此濠見。光雅里斜通  
復古前。始有德興橋可辨。迤西南去認河傍。雙社古榕微有岸。  
有社日中 麗梁七丈倚危樓。前朝嘉靖年時建。前明嘉靖五年順德梁文康公  
儲藩西濠建達觀橋濠面七丈有奇上 達觀南望灣西曲。一帶  
有望海樓今樓已毀達觀亦曰大觀 炊烟遮不斷。自此平流向西注。水榭灣環影凌亂。港濶牛浮盪  
春漲。謂牛乳橋 塙花深絢秋練。織鱗噓絮近紅牕。小燕銜泥

過碧淀。白版平鋪鴈齒低。永寧橋舊為三板橋瀉出橋東落紅片。錦里香

風動桂叢。坊名藕泊菱塘散芳甸。志喜橋名在南應題司馬名吟詩

好和鷓鴣堰。北擁蓬萊宮數尋。蓬萊橋在西紉芙蓉深一綫。源

橋在芙蓉浦口自此北折而西人橋迤邐此歸滙德興達觀義復南注白鷺潭西濠之總滙也

廟前蓬萊滙。直送鷺潭水聲健。大旗落日照江明。譙櫓高高戍

臺奠。西炮臺右乃一從東街馬頭阻地脉此水孤懸自成段雖潮水入濠處

悵東西各異流。猶喜滄桑未全變。綠樹引紅潮。潮生暮復朝。深

前數行柳。二月東風嬌。春夏時行大雨。水沮洳幾曲濠。流消勢

如傾瓶急奔瀉。大海作腹濠作腰。翻盆一注淨如拭。積潦濺洗

隨風颭。不虞亦備燭火戒。水車飛沫漫空澆。沿流守望互相助。

伏戎遠竄除紛囂。最憶端陽好時節。荔灣北望連絳綃。柳波浦口與荔

枝灣水合流江頭逢逢鼓聲進。赤龍銜尾揚錦標。浪花一重捲一丈。

彩幢一偃過一橋。良宵清碧浸皓月。樓臺照水鳴笙簫。我問東

濠。滙流日芻糧舸艦紆征徭。東西濠前明運糧故道也後雖尋源不復得。一

方水利通漁樵。却思髫齡釣遊日。歲在乾隆四十七。橋頭石勢

欲星移。濠口波漂見沙泊。桐城方伯寔慰我。大戒彰彰雜溫卹。徐

侯田侯今召杜。子來踰踰皆繞膝。乾隆四十五年方伯桐城姚

侯徐公分縣田公董其事至乾隆四十六年竣工四十七年立碑識決渠如雨鋪如雲。期月鳩

工。此濠出比隣。侵占盡傾毀。豪強屏迹兇徒逸。當時豈無謗聲

作。怨勞一身自倡率。導達溝瀆修隄防。寧爾婦子盈百室。如人

肢體。蘇瘡痍。爲汝衰癯起殘疾。尚記淘沙以東僅半里。旱橋雖

識全形失。觀成則易圖始難。衆志參差豈能一。淘沙起以東至旱橋及第十四

舖馬頭街道尚未疏濬故不能與東濠合流。年來人事幾蹉跎。二十餘秋遷轉多。瓦

稜四面疊鱗次。版屋咫尺攢蜂窠。橋東橋西不復辨。水南水北

交相譌。窪者橫。汙作。涸。狀高者礪。礪堆陂陲。觀魚誰更賞。濠濮夾澗久已迷。軸邁海壖。往往颶風發。三日霖雨看滂沱。六街九陌淤不散。平地忽起陽侯波。叢祠以南苦尤甚。謂復古南街衣魚竈蛙生薜蘿。君不聞古來距川決。畎澮遂人職。役非煩苛。又不見近來城中疏六脈。國人羣頌康合河。嘉慶八年癸亥方伯合河康茂園先生通城中六脈渠西郊編氓自洽比。忍令暘雨成偏頗。朱門大戶蔽雲日。窮簷蔀屋爲漩渦。少陵胸中貯廣廈。風雨空作勞者歌。或言程工費鉅萬。脩舉廢墜理則那。邑居相得乃土著。壅滯畢洩全天和。此濠之水不終塞。此曲聽者當如何。

八月十七日病起遣懷時海氛漸息

繕性良於肘後方。支離半減酒人狂。秋江落葉魚龍靜。曉月高天鼓角涼。晚稻可能紓歉歲。哀鴻稍喜集蠻鄉。青萍顧影銷紅

蠟夢境愁心孰短長

重浚西濠紀事三首 并序

嘉慶十五年南城曾方伯賓谷先生蒞粵問民疾苦  
知郭西濠渠久淤請諸大府飭屬鳩工剋期疏濬濠  
面限丈六尺自德興至滙源凡八橋悉令高之以通  
舟楫始十一月逮明年五月工竣大雨時行潮汐宣  
洩居民樂之賦此紀事

檐帷暫駐訪閭胥重起荒陂奠厥居海國來旬尊岳牧漢家成  
績著河渠千夫爭荷如雲鋪尺水重甦涸轍魚柳港荔灣徐泛  
碧棠陰交映引簪裾

鴨頭新漲恰春朝宿雨溶溶積潦消丈六濠梁通蟹舍八重煙  
月漾虹橋灣灣綠護南東畝活活紅添子午潮誰倚曲闌千十

二縑豪艷溢繪水綃

碑蝕殘陽古道邊文康遺事至今傳

建觀橋上舊有碑紀梁遙文康公浴濠建橋事

尋浦漱過三折

潮水自柳波涌三折而東至光雅里

小閣滄桑近卅年

乾隆四十七年濠道

漸塞迄今垂三十年矣

地擬流觴脩禊事人從案堵認炊煙江波千頃詞

源接定有虹光貫月船

時有建文閣書院之議

嶺南羣雅

番禺劉彬華藻林輯

張炳文

字虎臣號繡山番禺人嘉慶辛酉舉人著有玉燕堂詩鈔

玉壺山房詩話先生生十日而孤事節母以孝母年七十病篤先生禱於神母熱麻痛而疾頓瘳壽至八十餘人謂孝感之報先生領鄉薦十餘年不上公車以母在不遠遊也喜吟詠其詩抒寫性情不事雕琢而和平可味

十一月二十三日感賦

孤露如予倍可憐生年便是父亡年  
藜羹子職今猶忝葛帔人  
情古已然十載青衫承母訓一孫黃口拜兒邊  
焚香但祝先塋妥敢望牛眠啓後賢

送胡聖田

聚首不知樂分襟方悵然從來離別事多在夕陽天  
笛裏梅花

落霞邊荔子懸草堂今夜月依舊向人圓

讀外舅耿湘門先生素舫齋題壁詩次韻四首 錄二

結廬人境靜無譁嶺外浮居舫作家閣傍古濠貪近水庭餘隙  
地愛栽花溪光漾暖簾波細蘚跡通幽屐齒斜分得珠江羅綺  
月寒梅清影透窓紗

戶外停車半老蒼

謂杭蓮浦先生

論文煮酒日方長窓宜話雨添

疎竹屋爲看雲築短牆波浪不驚鷗夢熟琴書無礙燕泥香燕  
齊吳越清遊遍回首歡場興欲狂

光孝寺菩提樹歌

開梵仙城西北隅善根不滅菩提株櫛森絕勝古榕茂清勁差  
擬喬松癰天風龍玲青玉臺火日璀璨黃金鋪曹溪滴水自灌  
漑道場五葉猶敷腴我來坐石受普蔭濃陰欲滴沾眉鬚樹乎



樹乎我欲檢汝片片葉袈裟偏袒縫衣襦我欲拾汝纍纍子一  
百單八穿念珠不然化爲樹上之棲鳥迎陵仙音聞天衢不然  
化爲樹下之遊鹿法輪浩劫成美姝不然則幻而爲兜羅之手  
梅檀之軀登大願船乘五行車護法雲以繚繞散花雨之沾濡  
樹乎樹乎我忘吾當頭一棒喝野狐菩提無樹本來無嗚呼何  
不云菩提無樹本來無

讀李鄴侯傳

時聞空中香記撥火中芋本自神仙來領取宰相去從來位高  
者多凶亦多懼况處骨肉間家事敢干預卽或批龍鱗未必回  
天怒維侯侃侃言每諫君輒悟孝慈克兩全國本賴以固運籌  
能料敵保身免讒妬學術遜武侯相業高謝傅生平黃老言意  
或有所寓中和獻農書歡樂共黎庶年年釀宜春應酬鄴侯墓

冬晴

炎州無雪雨偏寒  
卒歲人多袒褐單  
乞得天公黃襖子  
排門喚起臥袁安

藥洲懷古

傷秋鬱鬱望遠愁  
仙城探勝爲清遊  
古甕城西古蹟留  
香風氤氲花藥洲  
藥洲之名想風流  
父老猶能溯其由  
爲言南漢僞王劉  
鑿五百丈成湖  
湫流花橋迴翡翠  
舟波斯女抱鴛鴦  
綢紅雲宴啟轉歌  
喉紅藥花開簪滿  
頭昌華苑與蓬萊  
侔龍虎丹從聲色  
求殿前一槎降王  
羞滄桑轉眼雲空  
浮零落九曜石誰  
收詞人學士物色  
幽摩挲吟詠珍琳  
球突兀窳蠕蛟蚪  
南極離光輝斗牛  
振衣且登拱北樓  
登樓勿懷仲宣憂  
騎羊仙客歸丹邱  
至今穀穗盈西疇  
豐年處處聞歌謳  
美酒快意浮一甌  
古來達

耆輕王侯

連州九日

年來觸緒易悲涼  
況遇佳辰倍感傷  
千里雲山環獨客  
九秋風雨逼重陽  
讀書老眼花前霧  
閱世浮情草上霜  
且對翠微開笑口  
東籬黃菊又含香

十一月朔日遊北山寺敬步南軒先生致一堂詩韻寄

示維屏維翰

城東多古蹟一徑非殊途  
暇日恣遊覽招邀來郭郭  
路仄步迤邐

溪遠聞笙竽高人岸一巾

謂巾山

衆山俯四隅今日天氣佳冬

暖芳春如何休鄉君子

何錦齋

窮經古之儒導我探幽邃童冠

偕歡娛石出水逾冽霜淺樹未疎  
江山亘古在顯晦閱世殊大

塊無容心喧寂同一區異代有聞人仰止如可呼淵源地脈貫

挹注天瓢斟以此皆清美不許塵垢汙題字十一碣欲讀嗟函  
胡紫巖南軒諱瞻仰增長吁遠祖赫赫名裔孫碌碌徒兒曹期  
勉力致一敬勿渝

羊跳峽詩呈解秋岳刺史

芙蓉陡向青天插峯夾危灘石如壓前行無路山更奇舟人指  
點羊跳峽懸崖峭壁爭嵌空各抱奇勢無雷同如雲下垂忽倒  
捲如屋俯覆中玲瓏朝嵐夕靄山容變碧蘚青蘿互葱蒨天光  
似展剡溪藤寫出荆關長畫卷蓬蒿老守空悠悠茲行意外成  
勝遊金箱且漫圖五嶽玉杖便欲尋羅浮羣山似馬扁舟迅恨  
不振衣立千仞客行每厭水程遲山好轉嫌風力順看山搔首  
長歔歔問山何不生名區詞人墨客日登眺詩囊畫本供嬉娛  
曷爲擲此荒江際蠻烟瘴霧相遮蔽樵夫牧豎誰汝知寂寂無

聞似淹滯山靈謂客何太愚塵世浮名安所須我生幸不近城  
市蘊真抱朴無瑕瑜君不見邦之諸侯山之主一序闡幽足千

古

刺史見示看山詩小序絕佳

盤空硬語勒層巖想見山靈色飛舞

嶺南羣雅

番禺劉彬華藻林輯

崔弼

字積匡一字鼎來番禺人嘉慶辛酉舉人著有珍帚編詩集

玉壺山房詩話曾賓客先生贈禮浦太史既鼎來詩有句云天南萬里越王臺舊雨不來今雨來點綴清香一樽酒暇中復得謝與崔是時賓谷先生甫蒞粵禮浦之外惟鼎來先被容接而鼎來之詩久爲禮浦所推許家甚貧而日事著述有波羅外紀已梓行其詩才氣縱橫足使時賢傾倒

題觀海圖壽徐東簋

男兒志氣如洪濤澆雲沃日掀天高伸縮萬壑納衆有滌蕩塵穢曾不留纖毫動則撼搖山嶽砢礪百尺騰金鏡靜則虹收雨止平鋪冰鏡澄眉毛乃有徐市之末孫千人渡海駢連艘生小

胸次文武韜早拔趙轍花藥洲凌駕諸生爲時旄五侯座上烹  
羊烹羔酒酣耳熱歌風弄騷冬烘頭腦屢壹鬱昌黎五鬼空喧  
囂一朝走東海萬頃飛輕舸平生蜃樓賦不減元龍豪傾訶陵  
樽注芳醪膾長鬚王煎龍膏鬻專車之鱗剝抵虎之螯與冰夷  
揖讓天吳嬉遨使鮫妾調絲虬女擊璫海僧奏鼓海童播鼉羅  
鞞纖纖起洛水珠璣裊裊生江臯吁嗟乎人生行樂聽所遭槐  
黃杏紫何勞勞看今棘園吳虜塵頭白不得拖青袍乃爲豎子  
笑吾曹何如手把釣竿真釣鼈青裴換却紫錦條於今徐君五  
十已過一老馬生駒同三槽晚年境遇差可喜翟卿足配彭澤  
陶謀之斗酒藏葡萄况有莠綠華來陳冰桃摘果獻壽同猿猱  
重陽節近客題糕滿城不作風雨嘈諸公詩思真滔滔我無澎  
湃之胸浩蕩之筆寫君觀海之烏鰲賦君擘海之漁簑隨波逐

浪爭肥撻得句自比寒蟲號

漁村

茅屋兩三椽雲邊與水邊就涼朝補網返照夜歸船蓬斷棲雞  
柵門開種蛤田猶聞沽酒市爭數賣魚錢

鹿步舟曉

時鄙人之痛未踰月

愁極不成寐雨多春更寒海風新病怯山色破篷看艇過迴颿  
急潮低上棹難偶聽雲際雁清淚落汎瀾

讀長慶集三首

錄一

積羽沉舟事可悲何曾新井賞花時青衫不爲沽司馬白首何  
因識荔枝紫閣金樽翻見奪燕樓瑤瑟肯相隨鴻才大抵多招  
妬唐鄧無年却怨誰

答屈超元八首

錄四



超元以藏翁山書入獄既而 恩免詩以慰之且答  
其獄中札也

曾檢離騷笑左徒憂讒何用大聲呼  
拚教察察投魚腹多事申  
申言女嬃困桂有香成蠹腐木蘭餘露少沾濡  
始知輔果饒先  
識不及當年國士誅

道援堂前欲斷魂難憑青草對黃昏  
不將一死酬君父空著遺  
書累子孫鍊石已無天可補覆巢寧見卵  
猶存西陵臺下歌千  
疊擊竹傷心不忍論

臧羊獵犬記同魚潁上遙看送檻車  
今古幾人開兔網細乾坤容  
爾寄蝸廬鄉生就獄能吹律枚叔依梁  
自上書最惜驂騑受羈  
綬孫陽消息近何如

親見青衣市上行名同劉向賜更生  
舊題詩句傷凝碧新感

朝恩歎絕纓入網珊瑚非挫折就磨銅鏡定光明尺書報我金魚夢掉尾幾勞漑釜烹

超元在獄夢池中金鯽魚失水幾枯瘠矣俄而水至復甦明日出獄

恭遇

皇帝八旬萬壽觀安南王入覲詩十首

錄七

聖壽而今軼有虞萬方臣妾樂歡呼中原競奏鈞天樂遠徼還觀葢地圖 享國豈論商大戊來庭爭羨漢單于南交本是義和宅親見臣陀謁 帝都

水經繡閣識龍編銅柱崢嶸欲插天自昔貢儀惟白雉於今聲教溢朱鳶承塵入欵翁茶網擊揖從君雒將船不用長纓齊伏 闕邊功寧數馬文淵

傘圓山下富良江阿育王城築受降再稻八蠶今樂國九真交陞古蠻邦鴉頭弱女裙無褶跣足夸官語最唵萬里鯨波從此

息好尋勾漏泛輕艘

代身無事鑄黃金  
脚壁親看詣上林  
騎象客來三島遠  
織綃人望五雲深  
承恩鞆樓皆殊渥  
賜部龜茲盡好音  
歸語麋洽諸父老  
果然堯顙是當今

銅墨新頒冊府書  
藁街頻築遠人居  
波羅蜜漬嚴霜後  
蜚子鹽分底貢餘  
羸隲音連銅船猶在否  
臯通神弩定何如  
鴻臚典客多奇傑  
珍重方言答象胥

俠遊曾憶謝升卿  
日下從陽火上名  
兩姓山河歸轡埒  
一般臯鏡動天兵  
孤臣已向秦庭哭  
老將終期禹甸清  
得失由來同塞馬  
請看殷監莫方瀛

諄諄天語正褒忠  
視草詞臣禮最隆  
豈意杞侯方大去  
遂令郊子遠來同  
塗山勝事猶如昨  
婁敬謀爲本至公  
百濟新羅俱

俯首從來奇策在和戎

遊華峯與山僧覺海

峯在增城西北。國初時有僧曰南樵愛水石之勝棲禪於大樹上。

士人謂之巢僧與虎畫界而居虎不違約食其守大明日偃死樹下山中人欲剝之僧不可穴而葬焉虎

塚歸然獨存百年來寺裏亦無虎患

大隱今茲尙未能買山空負巒峻嶒穿雲怪石三千丈噴玉飛泉一萬層留骨有墳聞葬虎結趺無地說巢僧可能晚遂維摩願明月科頭臥翠藤

平原

因貪上黨拓韓原過聽馮亭起甌根馬服庸才誰遣將長平精卒未歸魂三年門下曾爲客一笑樓頭豈負恩祇有李談能獻策英姿颯爽至今存

信陵

嘯哨將軍虎豹屯羽書旁午走邯鄲侯羸旣老頭何惜王甌雖  
能膽已寒七國幾人稱俊傑兩邦憑爾定危難博徒豈少毛公  
輩不見平原著眼看

懷田西疇兼寄陳紹堂

歌舞岡前遊侶稀風流回首事全非看花茂苑空春色吹簫寒  
山半夕暉不死與君成老大相逢何日重依違詞人止有陳琳  
在書劍飄零涕滿衣

屈凌氏節孝詩 錄一

閨閣年來似戴盆青燈幽咽憶王孫生無却扇溫郎夢死有磨  
笄趙女魂東海化霜終作恨西山脚石總成冤蛾眉謠詠真千  
古卽就宗宮問屈原

石門懷古四首

牂牁南下水漫漫蘋葉風生漢將壇百粵山河黃屋貴九秋烟  
雨石門寒空憐夜宴撞金斗不見西歸駕紫鸞千載樓船攻戰  
地蟬聲無那哭邯鄲

銀印翩翩老相臣那甘西去擁朱輪百年痛哭龍川夢萬里嬌  
嬈鳳閣春山走電光遙作畫水拖帆影疊成鱗前頭近接金山  
寺好向迦陵問夙因

誰傍朝臺憶老夫坐令楊僕下番禺五朝舊作蠻君長九郡新  
登漢版圖無事夜郎微鐵騎止煩甌駱諭蒼梧今逢四海爲家  
日賈客清歌出艸臚

森森靈洲弔逝川山如殘黛水如烟霸陵好夢爲蝴蝶真定先  
靈泣杜鵑園作詞林通彼岸宮名扶荔是何年只今尋陝東流  
水不泊戈船泊釣船

題芸隱先生聽瀑圖呈其次君澧浦四首

錄一

胸次能包萬仞山浩然誰與辨潺湲本來性體皆滂沛偶與靈泉相往還紅樹白雲秋雨後丹梯碧嶂夕陽間餘波流作澄江練似此高人不等閒

入峽經飛來寺

自驚身世在蓬瀛坐着青山互送迎百丈牽從雲裏過一篙撐入壁間行老僧幾處呼魚艇帝子何年振鳳笙猶有老猿最鳴咽孫郎清淚可憐生

維揚雜詠

錄二

名山高會屬廬陵一代文衡儘足稱竊怪寺名標法淨反教儒望壓諸僧六朝羅綺留裙屐三楚烟霞入杖旂賴有天章高

品藻清風千載重賢能

平山堂賢守清風扁乃聖祖仁皇帝御書

衣冠不見梅花嶺忠憤吾欽史道鄰四鎮當時皆跋扈八宮何地不荆榛孤城落日多殘角野戍秋風少隻輪最恨懷寧空度曲襄陽飛檄付何人

出門

六十旬衰翁八千里長道家無擔石儲豈辨行裝好明知薄祿相何處覓安飽不見樂羊婦縑素惜手爪賤如竈下養但念征人老安識從王義促粧晨起早

天生作男子焉肯鬱蓬萊雲鶴負奇翼躍躍凌霄起腰裏登廣途神氣直倍蓰豈不虞波濤其如戀蓬矢亦惜乖老別但恐伏轅恥驅之復驅之壯心豈能已

老儒久粗糲生不犬馬養而使墟墓間三牲缺珍享讀書亦何事乃爲此惘惘努力學干祿豈得辭鞅掌前途風雨橫鄰人勸



停儻整我木蘭橈乘流自今往

酖醪詠十首 錄三

遊蹤不到處左割蓬萊股懊惱葛稚川占此瓊華宇  
翠峯凌斗杓鴻濛闢門戶瀾水皆西流仙龕都北俯  
不聞凡鳥聲但覩靈禽羽

我來朱明洞悞入蓬萊島貝闕連珠宮琪花映瑤草  
偶逢白玉蟾醉卧白雲道白雲碎有聲飛花寒不掃  
胸中幾邱壑落落自搜討

雲山有韶護淵淵出金石蒼莽千樹寒鳴咽四山碧  
豈爲倦遊人撫弦怨遙隔誰抱太古心俯仰記今昔  
來此滌萬慮痼我林泉癖

嶺南羣雅

番禺劉彬華藻林輯

林伯桐

字桐君一字月亭番禺人嘉慶辛酉舉人著有秋樹山房詩稿

天柱灘

三冬走千里重裘猶未試半日上一灘朔風忽然至難易皆有數顛倒似相戲來舟急揚帆駿馬初脫轡去舟爭繫纜鷺鳥未舒翅險戒冒垂堂珍防投重器且住亦爲佳莫作留連刺舟人語喃喃須禱南風賜我聞便大笑天公難博施無屈卽無伸有歌宜有詈江舟日無數一葉身原寄鴻爪偶東西雪痕那有意霎時到彼岸歡極無餘思漸入是佳境難進尤古誼時來會相

送遲速竟何異惟有詩酒歡不被石尤累臨流欲放歌禦寒且  
酣醉前程有天在吾心乃無事方將乘長風而爭尺寸利再拜  
謝江神躁競非吾志

揚州

遠水通淮凍漸消風流往事付寒潮二分明月開珠箔一路垂  
楊到板橋晝靜有人方顧鏡夜闌無客不吹簫竹西亭外春如  
夢合爲尋詩撥畫橈

漫興

烽燧連三楚旌旄耀六師天心原不殺國法自無私鼠竄渠魁  
獲狐鳴脅從疑秋風鼙鼓發露布不須遲

見說沅湘路流民轉徙多室家心已絕衣食計如何出險誰懷  
土承恩有枕戈牛羊芻牧切庶政未煩苛

農謠

一人耕十人食農夫安得有餘力十人耕一人田農夫何者爲  
豐年天上地下無牆無瓦朝朝暮暮露處田野有婦能饁餉日  
中汗流赭有兒能驅牛田中泥沒踝驅牛復驅牛牛行但低頭  
高車怒馬誰遨遊賈人有稚子奴僕皆風流

游光孝寺遇馮佩亭

之紳二首錄一

不爲逃禪只避喧此心何處動風旛新燈未見白蓮社舊雨都  
來甘露門

陸朗川蕭菴村梁包山皆讀書寺中

小院看花春有脚夕陽臨水鏡無

痕番山明月相同否預約涼宵仔細論

佩亭言此間月夜風景甚似番山

登九成臺

南北一關開登臨尚有臺四山依樹出雨水夾窓來虞帝傳疑

事蘇公絕代才何當訪韶石詩境久徘徊

臺上有詩境二字石刻

度大庾嶺

六年不作春明夢，纔說登臨壯志存。  
野樹飽霜皆有色，敝裘經酒已無痕。  
異鄉情話依朋友，一室絃歌憶弟昆。  
鴻鴈再飛猶向北，男兒那得守家園。

雪霽

春雪一時消，春光動柳條。  
人才多白屋，客路近紅橋。  
簾捲初迎日，舟停似待潮。  
野鳬三五小，水際也蕭蕭。

雜詩

天下有治本，民命在衣食。  
沃瘠生有地，貧富耀無極。  
君子重修名，賤者必勞力。  
自從戰國來，四民罕常職。  
欲耕非先疇，欲學非舊德。  
而况舟車通，輕易離鄉國。  
百事不肯親，一飽何由得。  
丹砂化黃金，難從虛北塞。  
所以賈長沙，上書三嘆息。

王肥與沈瘦狂癡各有宜短簿與長頭品類亦隨時暗中能摸  
索此語真吾欺名士用皮相所見皆毛錐捉刀有英雄吹竽多  
兒嬉望塵便下拜覲面俄生疑汪汪千頃波安得一望知士龍  
仰天笑相士皆如斯

山國貴魚鰾澤國貴鹿豕生物豈殊別人情自遷徙當其地所  
賤上品人亦鄙及其地所貴降格人亦喜若使能易地軒輊兩  
不止若使能易形轉移更求似萬物唯無知安安各生理

### 舟中夜起

天遠江平水不流羣山萬木一扁舟森森風露催華月閃閃星  
河近素秋萬里行途真野鴈誰家清夢到沙鷗吟成不敢燃犀  
照或有神龍夜出遊

張南山

維屏

招同金藝圃

菁莪

駕部金裳繡

菁藻

訪浮

邱古蹟

神仙經過誰能留仙蹟何有唯丹邱金丹變化我未見珊瑚井

水今長流

今寺內有井卽志所云珊瑚井也

良朋招要及佳日城西追逐同荒

隙小門深閉來者罕遠山在目天光秋井旁跼跡略可辨寺童

驚詫僊羊侔抱樸鍊丹已典午

晉葛稚川鍊丹於此

王子並駕原東周

志稱

浮邱丈人與王子晉吹笙得仙

當時此地本荒服五千年事真悠悠朱明亦有

舊宮觀

明時浮邱井前相傳門戶通羅浮

志稱浮邱山爲羅浮朱明之門戶

滄

桑往事豈悉數牆邊山石曾停舟

志云朱初有百二十歲老人言兒時見浮邱山足舟數千

山四畔篙痕宛然今浮邱距水四里餘矣

堂中一塔現佛座四面鑄象皆精鏤南面

佛手有小佛脚承四鬼如盤蚪浮邱丈人在何處吹笙挹袖俱

難求

吹笙亭挹袖軒俱廢

騷人行歌自懷古僊客羽化應忘愁井中泥濞

豈可汲杯茗却類童蒙求

有少年讀書於此類茗見餉

忽思大通煙雨井一

亭高築當牆頭游人小憇分眺望風帆沙鳥皆清幽如何此地  
無好事坐令瓦礫迷僊洲願從仙人借金豆志稱浮邱丈披榛  
人撒豆成金拾翠供清游蒨發之草尙蔓衍此種却與靈芝儔志稱珊瑚井  
旁多蒨發草  
三月上巳游  
人多往採年年採擷釀仙酒要呼洪厓傳觥籌春秋禊事有  
觴詠詩成當與仙人謀

汪貞石

鳴謙

太史招同張大南山

維屏

胡五蔚巖

豹文

金二十三醴香

菁茅

劉八寅甫

廣禮

小集

東風吹雨千門春華筵明燭呼同人同人往年別鄉國歸來舊  
雨猶比鄰雪泥往事留指爪薑桂回味餘甘辛酒酣同讀車中  
篇太史以車  
中行見亦刻畫詳盡形容真看花馬蹄亦勞頓席帽驢背尤  
風塵乃知鄉園有真樂山林鐘鼎休斷斷玉堂綵衣戲日永此  
意却勝懷鱸尊更聞著書欲乘興瑯嬛假館當河濱久客言歸



愛鄉樹居人望遠思征輪胡君總角能入蜀  
峨眉山水看嶰嶢  
詩篇句句有清氣書生豈得辭關津  
去年吾黨遊吳會春花雪  
後方鮮新後來京華同旅寓黃槐換葉兼新陳  
尋常一物亦如此瞬息萬里宜無垠  
張郎下筆倒峽水能將此意言  
彬彬南山席上  
詩無論在家與在客  
良朋樂事乘良辰  
人生離合如有意  
盈盈一水相思均  
貞石蔚巖醴香皆館河南  
與余皆在城中  
談深已覺雨點歇  
夜漏不隔重城闌  
明朝酒醒或憶此  
高齋聽雨真良因

嶺南羣雅

番禺劉彬華藻林輯

葉蘭成

字子信一字秋嵐嘉應人嘉慶甲子舉人著有聽泉小草  
與特偕姪遊西邨石壁

瓜牛廬半弓局促思幽探駕言適西村之子路能諳堯敖忘所  
苦寂歷有餘耽杉腹裂庠豁松毛垂鬢鬚巨崖古藤瘠幽徑野  
花飜長河繞其下亂石堆枯潭渾流一相激拗怒兩不甘噴沫  
射絕壁驚霆殷層嵐此灘實峻險有如撞戈鏖朝來掀頭船擊  
破已二三水陡楫師怖山高遊屐貪鳥聲深嘆惜人影暗趨趨  
森然滿寒綠枯坐慵回騶

傷歌行

出門望四野寒色何蒼然秋風鳴枯枝葉落飛翩翩  
折遊子心斷絕素冠行周道淚盡變爲血啾啾檐外烏反哺尾  
畢逋母沒不能葬生男不如無舉世賤遊子商歌臨風起哀哉  
鮮民儔雖生不如死

讀李秋田

光昭

詩題贈

松柏生高岡寒飈恒蕭蕭勁質凌雪霜難悅時人目灼灼桃李  
花滿山總麤俗如何好遊子百轉看不足卓哉秋田生磊落尙  
奇服作詩百餘首力追皇古躅思幽鬼琢肝氣盛雷輶腹大力  
蹴龍象神樂滿坑谷嗟彼末世士嗜瑣安敢讀我老悲不嫁目  
成子何辱手詩持示我戢戢如筍束三年困窮愁常令鎖深櫝  
今夕涼雨過甕牖纖暑伏篝燈咏子詩乙夜不得宿美才歎遭  
屏煩冤一何毒荆璞苟在御三別焉足惡蒼壁禮天神待子明

穆穆勉旃慎自愛無爲怨幽獨

讀顏湘帆崇衡詩題贈錄一

古人事著述貴以明其志其辭雖恂恂然自高寄豈如末世  
士炳烺之深思我讀湘帆詩煥若春華麗願言采秋實高詞鬱  
幽意友道尙不欺嬾耍恥流輩才遠不相逮竊比老馬智妄語  
君勿嗔相期蓋非細

泊蓬辣灘

孤舟泊崖下石壁夜崢嶸老鶴如人欬空灘學雨聲上方疎磬  
斷永夜佛燈明不寐懷身世中宵百慮縈

寄李繡子黼平茂才二首錄一

並有千秋志相看感歲華幾年同失路萬事屬搏沙閣道悲騏  
驎豐城隱莫邪買山何日可歸種故侯瓜

卷之五  
碧玉曲倣義山

義山沉淪記室其詩多託爲閨中之辭寓意微婉讀者悲之以爲得三百篇之旨焉暇日輒倣其體作碧

玉曲

碧玉小家女能得君王意背人割銀光偷寫承恩字紅桂日高金鎖澁花房軟折春風翅感君口吃不能言手撚流蘇有別意  
自潮州之南澳途中作

登程適窮海命駕趁晨光橋鎖河煙白峰凝海氣蒼潮田收稻早野水渡人忙咏罷牆蒿曲臨風黯自傷

南澳午日二首

錄一

哭母悲兄恨大頻那堪仲氏更傷貧雙棺營葬知何日千里依人復此辰却羨團團泉下樂空餘顛顚客中身夜臺亦有端陽

不憶飲雄黃淚滿巾

先慈在日每端午輒令家人飲雄黃酒

### 送家錫葵守戎巡海

羨君意氣似張騫此日乘風傲海天  
秋宇雲消開蜃窟樓船風靜按龍泉  
卽看楊僕偏師出莫使孫恩隻艦還  
自笑書生能草檄談兵尙想勒燕然

### 六月六日抵里

初夏始往拾海月未秋先已返衡門  
何人爲割牛心炙半壁仍懸犢鼻褌  
滿徑夕陽杉繞屋一渠新水稻連村  
細君不恨歸裝薄爲煮松花共靜論

### 寄溫謙山舍人四首

錄一

吾叟豈威鳳何居文采新冥心破天械  
高步揖經神晞髮選樓上采風炎海溼  
先民有遺草託以壽千春

端州

開府當年節制雄時清不復駐元戎  
焚鴛零落斜陽裡石獸荒涼蔓草中  
雲氣遠含林邑雨潮聲近挾海門風  
望江樓上閒登眺幾處漁歌出葦叢

上溫莘圃廉訪

錄一

吾粵地瀕海番舶琛寶貢奈何潢池兵赤子乃盜弄養癰彼何心  
吮血此堪慟鯨帆竟橫飛犀弩孰爭控波濤爲之腥魚鼈咸甚  
恐可憐林將軍虎門鎮名國勇戰死有餘痛至今新安縣談者淚如  
渾尚書天上來百公威名范韓重惟公賦同仇軍事言必中一

朝絕寇糧困若鯨處籌思明有高李驍驚各擁衆臨淮設神謀  
自縛欸爭送遙遙千載來智勇相伯仲謂張保郭京觀築高雷  
天宇豁氛霧屈指百餘年奇功歷巒洞杜牧有罪言露布今喜

誦詩待紀略成公撰平海紀略未成更作摩崖頌萬古照南荒嚇彼猺獍種

### 感懷

急絃無緩響窮士多悲聲所希聰者聽審音識其情昨逢誇毗子裘馬遊公卿此輩安足道氣餒徒爾橫客貧絕衣食家室憂兼并不如賣漿輩猶能養其生投詩與知己沈痛結中誠向日不垂照葵心空復傾丈夫一失路乃爲臧獲輕滔滔望南海洪濤駕蓬瀛天吳與海若怒嘯使人驚吾師盧敖子寂寞求無名何當從之遊披髮翔太清

### 賓谷師賞雨茅屋圖

萬古秋士心釀出幽雨滴一氣彌八荒寸寸古愁碧人間愁有根得雨怒芽礫吐向詩與畫煙雲鬱堆積羨公明月身清光耿



肝鬲一塵不使沾百慮自然釋論詩憶司空寫圖寄高格畫師  
非俗手妙會詩老癖指挾雨聲來濕氣漲空白嵐光隱復現澗  
響喧或寂松老鱗盡皴石冷骨逾瘠筆墨黯經營谿巒紛婉孌  
人世有斯境縛茆亟移宅惜公繫重望四海一安石何緣乞閒  
身獨樂隱幽僻願且爲說霖油油布甘澤一慰蒼生思掃此飢  
寒迹吾儕斷愁吟心聲奏和懌隨公上匡廬雷雨歆絕壁傲彼  
中條山奇境更獨闢

光孝寺虞仲翔新祠落成敬賦呈賓客師

茲焉歲在辛金蠶序行謁公來甫再秋膏雨蘇萎恭政清民用  
和理得性彌悅攜儔虞苑遊讀畫古縑綴緬昔虞仲翔南金詎  
敢褻習經枹鼓間筮仕令史列浮海從舊君高義迴寥泝歸來  
事孫郎說敵兵不血獬兒真英雄豁達高祖埒功曹作蕭何子

布安可絜惜哉討逆死家寶遽陵蔑尋其遠徙由直諫常憤結  
埋骨終瘴鄉憂邊望君闡孝廉亦豚犬屈膝事閹孽慕其殺文  
舉周舍悔徒切同時諸大臣莫敢逆鱗批伯言以憂亡暨艷舍  
憤滅嗟庠仲翔卿僅免齒鋼鐵窮愁獨著書講學授來哲故宅  
遺訶林儼然龍象設又云城北隅廟屋亦頽撤莫由觀奐輪奚  
自薦椀榻我公久徬徨感嘆中腸熱奉主還舊居捐貲備除潔  
高文婉蔚宗深刻壯貞碣煌煌日星垂六丁安敢掣舉廢典斯  
崇安靈虔甫揭盛事城野傳觀碑衆閭咽庶幾教臣忠永以貞  
士節作詩告鄉人瓣香此焉燕

韓東老先生聽鐘樓詩集題詞

山林棲遯儔枯槁夙貽誚自非奇偉懷模範豈能肖先生澹宕  
人谿巒供詩料獨契知仁樂長謠山水調吳越千里間扶輿故

清寥筇杖侶孤雲笠屐翻夕照逸情蕩威紆奇狀窮危峭寫入  
詩句中一一斂衆妙讀者如卧遊應接勝登眺彷彿白雲中猿  
鶴時一嘯

先生有道者毋乃魯連儔有子旣開府依然寒素修高義貌干  
乘豈爲軒冕留望古獨興嘆慨慷不能休有時或撫事感激心  
如妯一於詩是發高情鬱重秋其詩豈徒作志在挽澆媮纏綿  
忠厚意繾綣生民憂比興至深切美諷何溫柔風雅道不息請  
爲商聲謳

嶺南羣雅

番禺劉彬華藻林輯

林家桂

字辛山吳川人嘉慶甲子舉人著有軒軒軒詩集

玉臺山房詩話高州詞人余所知者辛山及電白三邵父子辛山古詩踴厲風發近體佳句如夜靜市聲細月低人影長江隨諸嶺轉舟楫兩崖奔懷人聞卷晤近海得秋多雨端秋聲濕宵長戍鼓訛漁燈入水星浮出山影沈江樹側生爭渡人喧鄉語雜打魚船過市風腥寫難狀之景如在眼前

題家特巖明經掃花坐晚涼小照

有手不寫北風圖有腰不佩招涼珠得閑且復坐斯須清涼之國歸吾廬爲此圖者非倪迂令我熱腦毛骨蘇搖扇不用平頭奴猶憶前歲同書厨繼愛亭側蓮花扶雲坪都督紛招呼作詩消夏君與吾落花風軟天將晡此景人畫猶模糊昔今陳迹如

此夫熱中汗背胡爲乎

七月十二日與招畫坐陸颺墀李鑑東李柏巖羅澄川

馬雲谷小飲觀山仍用東坡聚星堂韻

我昔北遊乘一葉平山直上小香雪萬徑松風捲怒濤五月如  
秋氣清絕往事侵尋忽十霜世路崎嶇驚九折閒蹤偶此追懽  
娛真諦從茲證生滅談禪衆口詫雷奔看山兩眼如電掣林聲  
撼撼入盃鳴江色鱗鱗鋪錦纈此席雖無海陸珍有味若和薑  
桂屑生門騰影回頭空鴻爪雪泥轉眼瞥潑墨跳珠擁樹來舊  
雨停雲揮塵說君等未可誤山林曾有 天書徵老鐵

次樊雲坪都督過那暮山至龍門防海韻

南交南之南廉乃古荒服諸葛銅鼓埋新息馬足逐余靖有鈞  
遺費詒所卯伏孟操如冰清陳節若山豳羣賢濟恩威一洗陋

巖谷分茅忽已斷大廉爲之續龍牙多旗張畫巒等盃覆平坡  
如雲濤長原似鱸舫地雷空殷殷免置亦肅肅山路直如弦巖

石利於鏃高峰頭欲昂遠岫首盡縮野曠黃稻廉州名攢巖空白

雲宿秦時木客行楚騷山鬼哭瘴氣變陰晴巒花亂遲速兩山

忽蜷連一人如壁複大山官小山縱目在天目融結有珠池講

院少嶽麓高高復下下油油雜菽菽清溪曲迴腸惡浪高壓屋

捕魚力代耕濟筏編以竹上山又五黃廉州名我身如一穀聳肩

若連雲嵐重疑折軸人方嗟路難我喜獲眼福流連戀光景比

例擬貪黷拂袖歸去來擺脫瘴癘毒卽幕諸岡轡車馬尙懸束

戊辰余客遊廉州擬遊欽州分茅卽暮諸山不果今春報蠶動小腆肆殺戮猶傳漢詔

寬尙恢湯網祝天下馬將軍人間歸太僕謂楊觀察星圖先生已足釐百

蠻不俟用三木遁之如鳥散降者亦容蹙刁樓絕烽煙營門息

剝啄長公天涯亭陳瓘壁記讀歸示我以詩敢拜命之辱虎嘯  
風英英鳳吟聲足足觸撥舊遊情想像今擊鼓學步一含毫亦  
云樂匪獨

題蔣雙湖天際歸舟圖次韓桂舫中丞韻

金陵曾煮桃花粥燕市誰分網餅茶寸草心情榮彼岸三吳骨  
月散如沙書無伯約當歸寄義足希文復姓誇此去蔣侯山外  
路帆牆點點繞慈鴉

擬張茂先勵志詩

大塊逆旅年歲客遊前過後逐行靡盡頭今此何夕又月之秋  
采采其實懿彼純修其修惟何植志爲幹旣養靈苗汲古澆灌  
收杆濯濯斧戕旦旦初哉首基十得其半前詰有言心亨習坎  
殆厲生明佚耽致闇束固筋膚張明心膽雷動風飛泰宇夷澹

此厥不定進谷退谷如駕千里中道脫輟如日斯田棄彼碌碌  
載震載興載晷載夙精衛塞海大海弗填蚊虻負山高山弗顛  
彼物而微其力則綿矧伊人矣曷云其延心苦墜洞氣和力剛  
如火之觀如膽之嘗如春之曙如秋之霜四者體備厥聲硠硠  
其聲聿駿其事有巾萃甲毫末養爲蔽牛斷村敝甃累爲危樓  
蹄涔觴濫滙爲洪流茲事雖細可以喻學靈源內湛英聲遠踔  
德寓融融巍望嶽嶽天外三峰特露頭角尋源反要奧研幽探  
守不厭吝學不厭婪守跛得駿茹藥得甘此謂知本敬書筌三

舟晚

秋波寒

澈午風清葉葉帆圓客舸輕沿岸人家團竹暗傍巖漁

火隔烟

明江沉夜氣山無影棹擊流光月有聲擬向驪珠臺上

誰望

小立聽龍鳴